



सानसेयारि 'बड'सा' खरीरालाइयाव समाज्यादि जिउजो लोखा थाबाय रायथाय, बरुथाय, बरु, बरुबाथा आरो दावबायारि थावनि, पार्क बाइदिबि स्यायाव लिन्नाय लिन्बिबां बैथाय ठरु। सानसेयारि 'बड'सा' खरीरालाइया सेबरानाबै फोखावगोन।

बड'सायाव लिन्ठरुनायबि ठुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुलि
माइवं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 20 August, 2024 Kokrajhar, BTC, Assam ★ Vol.- 34, Issue No.145 R.N.I.Regd.No.40994/91, Assam Govt. Regd.No.IPRD.40/2006/3, ★ Rs. 8/-

सनापुरनि सरकारि अल्ट एज हमआव आधार कार्ड, रेसन कार्ड, आयुष्मान कार्ड आरो अरुनदय बिथांखिनि कार्ड गथायदों

अल्ट एज हमनि थागिरिफोरा राखि खानानै गिबि मन्थिनिसिम गाहाम हामब्लायथि जासियो

दिसपुर, 19 आगस्ट: गिबि मन्थि उ हिमन्त विश्व शर्माआ दिने आसाम सरकारि समाजारि न्याय आरो गोहो होनाय बिफाननि बान्जायनायाव आरो मनालिसा सनसाइटिनि दैदेनायाव सनापुर सरकारि अल्ट एज हमआव नुजाथिहैनानै रक्षा बन्धननि मुडे थागिरिफोरनिमिसिम गाहाम हामब्लायथि जासियानि अनगाथैबो आधार कार्ड, रेसन कार्ड, आयुष्मान कार्ड आरो अरुनदय कार्ड खौ गथायनानै होयो। मख'नो गोनादि, दिने आसामनि गासैबो



अल्ट एज हमनि जाय थागिरिफोरनि आधार कार्ड, रेसन कार्ड, आयुष्मान कार्ड आरो अरुनदय कार्ड गैया बिसोरनो

राइज्यो सरकारिफ्राय बे कार्डफोरखौ होनायनि राहा लानाय जादों। गुबुन फार्सेथि, अल्ट एज हमनि थागिरिफोरा



गिबि मन्थिखौ राखि खानानै गाहाम हामब्लायथि जासियो। बेनि लोब्बाजों खुं'नाय हाबाफारियाव गिबि मन्थि उ

शर्माआ बुडेदि, रक्षा बन्धनआ मोनसे गोथार फोर्बो आरो बे फोर्बोयाव बिनानावफोरनिफ्राय (□ 5 बिलाइआव)

एससि हारिनि हारियारि फोरमान लाइ होनायाव सरकारा गोखौ जागोन: पियुष हाजरिका



गुवाहाटी, 19 आगस्ट: राइज्योआव एससि हारिनि हारियारि फोरमान लाइ होनायनि बिथिडाव दान्थे-बिदान्थे सोलिबोनायखो नुनो मोननाय जादों। राइज्योनि गुबुन गुबुन जिल्लायाव एससि हारिनि नडे सुबुंफोरा एससि हारिनि फोरमान बिलाइनि थाखाय आरो'ज खालामनायनो नुनो मोननाय जादों। एससि हारिनि बे गोलाव समनि जेनानि सायाव थांनाय 17 (□ 5 बिलाइआव)

बिटिआर रादायनि 6.3 दफा मावफुं'नायनि दाबिआव भेन्सार सोलो'थाय फसंथानफोराव खामानिफ्राय जानगाराव थादों

22 आगस्टआव गुवाहाटीनि ससलआव हेंथा सोमावसारनाय हाबाफारि खुंगोन

गुवाहाटी, 19 आगस्ट: दुलाराय बिटिआर सरकारि नडे गुदि, गोजौ फरायसालि आरो सेनियर सेकेन्डरि क-अडिनेसन क मिटिआ खावलायनाय खामानिफ्राय जानगाराव थांनाय हाबाफारि लानाया दिने सानबं नडे सरकारि नडे सोलो'थाननि फरा-फारिआ बन्द' जानानै दड। बिटिआर गोजोन रादायनि 6.3 नं दफा बादिथै बिटिआर ओन्सोलाव थांनाय सरकारि नडे सोलो'थाय (□ 5 बिलाइआव)



बासुगावआव बायनाय-गेब्रेबनाय मुवा-बेसाद बायग्रा फालांगिरि जानानै फेनाय सानै सिखाव हमदों



बासुगाव, 19 आगस्ट: नो'थानि नख'राव बायनाय-गेब्रेबनाय मुवा-बेसाद बायनायनि सोलो'जों फालांगिरि फेयो नामा? जुदि फेयो अब्ला सांग्रां जा। मानोना दिने चिरां जिल्लानि बासुगाव सहरनि भुटियापारा गामिनि नख'रसेयाव बायनाय-गेब्रेबनाय मुवा बेसाद बायनायनि सोलो'जों सानै सिखावा (□ 5 बिलाइआव)

जारिमिनारि खदै'गुरिनि बंशीगपाल महाप्रभुनि नामघरआव गोथार भाद्र दाननि नाम किर्तन जागायजेनबाय

भवानिपुर, 19 आगस्ट: भवानिपुर बिधान सभा बियाबनि सिडव थांनाय 239 बोसोरारि जारिमिनारि मुंदांखा खदै'गुरिनि श्री श्री बंशीगपाल महाप्रभुनि नामघरआव मैयानिफ्राय गोथार भाद्र दाननि दानसे नाडे नाम किर्तन हाबाफारिया जागायजेनबाय। मैया रबिबारखालि मोनाबिलियाव खदै'गुरिनि श्री श्री बंशीगपाल



महाप्रभु नामघरनि गाहाइ पाठक आरो खुगा मेथाइनि दैखोगिरि

रन्जित तालुकदारनि (□ 5 बिलाइआव)

जौनि थांखिआ दरसे सुखु-गोजोननि बिटिसि सोरजिनाय: प्रमद बर'

कक्राझार, 19 आगस्ट: राजखान्थिआव मोनफ्रोमबो दोलोआनो गाव गावसिनि बिथाखौ गोखौ खालामनो थाखाय, गावसोर गोहोआव थांनो थाखायनो खामानि मावो। बेयो सरासनसा बाथा। बिजेपिआ बेखौनो मावदों। कंग्रेसआवो बेबादिनो मावगोन। (□ 5 बिलाइआव)



गसाइगाव बिधान सभा बियाबनि सा 174 मुलाम्फागिरि-फोरनो गिबि मन्थिनि अन्सुंथाय फान्डीनि चेक होदों

गसाइगाव, 19 आगस्ट: कक्राझार जिल्लानि 1 नं गसाइगाव बिधान सभा बियाबनि गासै सा 174 मुलाम्फागिरिफोरनि गेजेशव दिने गिबि मन्थि अन्सुंताइ फान्डीनि



होयो एमएलए जिरन बसुमतारिआ। बिथाड गावनि बिबुंथियाव बुडेदि, निखावनि गोपलैसोनाय राइजो-राजाफोरनि थाखाय सरकारा गुबुन गुबुन रोखोमनि बिथांखि आजावबेदों। बेरामि आरो फरायसापोरनि सोलो'थाइयाव गिबि मन्थि अन्सुंथाइ फान्डीनि बे रांखांथि अन्सुंथाइ मोनानै मुलाम्फागिरिफोरा थारैनो एसेब्लाबो मुलाम्फा मोनो हागोन होनानै एमएलए जिरन बसुमतारिआ मिजिंतिनाय फोरमायो। (□ 5 बिलाइआव)

चेक रानानै होनाय जायो। गसाइगाव सदर सहरनि जयनगर एसएस मार्केटआव थांनाय एमएलएनि अरायथा नडे मावखुलियाव खुं'नाय चेक रानाय हाबाफारिखौ बेखेवनानै

कक्राझारआव कलकातानि फाहामगिरिखौ बुथारनाय दायनिगिरिखौ नांगौबादि साजा होनो दाबि दैखांदों

कक्राझार, 19 आगस्ट: सोनाब बंगनि राजथावनि कलकातानि आर जि कर मेडिकेल कलेजनि सासे आइजो फाहामगिरिखौ थांनाय 9 आगस्ट अक्टखालि खासि-बिसि जिनाहारि खालामना बुथारनाय गिखंथाव जाथायखौ लानानै बिटिसिनि सदर कक्राझारआव (□ 5 बिलाइआव)



बर' थुनलाइ आफादनि बारग आफादगिरि मुंख्लं बिनेस्वर ब्रह्मनि 24थि थैनाय बोसोरारि सान फालिदों

'बिनेस्वर ब्रह्मनि मांखरसालिखौ गासै बिथिडाव समाइना मह्ते लुनो बिटिसि सरकारआ 2 कौटि रं गथायनो थांखि लादों'

कक्राझार, 19 आगस्ट: दिने 19 आगस्ट। थांनाय 2000 माइथायनि 19 आगस्ट एवा दिनेनि अक्टआवनो दुथांफोरनि आखायाव बर' थुनलाइ आफादनि रुंसारि आफादगिरि बिनेस्वर ब्रह्मआ जिउ गोमानो गोनां जादोंमोन। बेबादि थासारियाव थांनाय बोसोरारि



बादि दिनेबो बर' थुनलाइ आफाद आरो बिनेस्वर ब्रह्म ट्रस्टनि बान्जायनायाव थांनाय रुंसारि बिनेस्वर ब्रह्मनि मांखरसालियाव बिनेस्वर ब्रह्मनि 24थि थैनाय बोसोरारि सानखौ फालिनाय जादों। मख'नो गोनादि, थैनाय साननि हाबाफारि (□ 5 बिलाइआव)

कलकातानि जिनाहारि खालामनानै बुथारनाय जाथायनि हेंथायै आदिबासि फरायसा आफादआ गोखौ सोमावसारदों

भवानिपुर, 19 आगस्ट: कलकातानि आर जि कर मेडिकेल कलेजनि देहा फाहामगिरि मौमिता देबनाथखौ जिनाहारि खालामनानै बुथारनाय जाथायनि हेंथायै दिने बाक्सा जिल्लानि सालबारि महकुमानि सिडव थांनाय बासबारिआव दुलाराइ आदिबासि फरायसा आफादनि तिनलाइ-ज्ञातिगाव-राघबलि दालाइ आफादनि



बान्जायनायाव मोनाबिलियाव गोखौ सोमावसारनाय हाबाफारि

खुडे। मख'नो गोनादि, मानास (□ 5 बिलाइआव)

सुजुगिरिनि खोलोम

दावहायाव जोबस्त्रानाय फैयो

गोहो, हाथियारिनि फालांगि आरो गावबा गाव हादतनि सागलोबसार गोहोम लाबोनानै मुलाम्फा लानो लोगोसे मुलुगनि गोहो गोरसिन हादत जानो आरो गावनि थामोन्ताकौ लाखिनो थाखायानो मुलुगआव दावहा सोमजिनार्यनि गाहाड आरो गुबे जाहोन होनानै बुंनयाय जायो। दावहाया सुबुं माहारिनि खहानि अनगायै मुलाम्फा लाबोनायखौ जौं माब्लाबाबो नुनो मोन्याय जाया। बेयो सुबुं जिउ फोजोबस्त्रानायजौं लोगोसे न' - बांनिक्राय लानानै सुबुंनो गोनांथि जानाय गासैबो बिथिखौनो सिलिंखार लाबोनानै आंखाल-खेदां लाबोनायखौ दावहा सोलिनया हादतफोरग नुनो मोन्याय जायो। फिसा जाहोनखौ लानानै नांनया दावहाया सिगां समाव फिसाब्लाबो उनाव गिदिर आरो सिलिंखारिनि बिबांनखौ गोबां जालानाया नुनो मोन्याय जायो। बोसोरनै खावसे बोसोरग आगान होनाय रुस- इउक्रेन दावहाखौ दावहा सासुसुं आरो रंग'सादफोरग फोरमायनाय बादिदै दावहानि जोरसाथिया साप्ताह मोनसेनिगुडु बावसिन जानाय नड होनानै हम्दार्थि होदोमोन। नाथाय फैयै फैयै बे दावहाया बोसोरनै खावसे बोसोर बारग' लांबलाबो थुंगेनायनि लामाखौ नुहराखै आथिकालनि थासारिखौ नायाना। दावहाया जेसेनो लावदो एसेनो खहायाबो बांलादो। नुनो मोन्याय बादिदै दावहानि सावगारिया उल्था जानार्यनिखौ खौरां फोसावनायखौ नुनो मोन्दो। रुस- इउक्रेन दावहानि गेजेरवनो इजराइल-हामासनि दावहायाबो सुबुं जिउ आरो न' - बां गासैबो गुदि बिथाफोरगो बायग्रबलांबलाबो दसिम बे दावहायाबो जोबनाय फैयाखै। आथिखाल बे दावहाया इजराइल-हामासनि गेजेरवल' सिमना जानानै थायाखिसै, अराय समनि सुथुर इरानजौबो दावहा नांनो, गामलोबनो जुगुमलायनायखौ नुनो मोन्याय जादो। सोगोमलायनायनि बाध्याया समाव हाहा-हामा जालायनायसिम थाडेब्ला दावहानि महरा गुवार अरलानो हागो आरो खहाआबो गोबां जागोन होनानै सावरायनायबो खोनानो मोन्याय जायो।

आथिखाल माखासे हादतफोरनि गेजेरव दावहा नांनया, माखासेयाव सुबुं बिग्रायखानायनि जाउन-बिजाउनआ सिलिंखार लाबोनानै हादतफोरनि थासारिखौ गुबुले आरो गिथावना खालामनायखौ नुनो मोनो। बे रोखोमैनो गुबुन जांबलावनाय जेनाफोरनि गेजेरव मोनसे होनानै साजजानाय निखावरि हादतफोरनिफ्राय माखासे सोनाबआरि हादतफोरग आसय लानानै थाहेनायनिफ्राय सोमजिनार्य जाथायफोरगो बैफोर हादतफोरग सामलायनो हायै बादि थासारि सोमजिनार्यखौ नुनो मोन्याय जादो। गोजोन आरो दावराव-दावसि मोजां मोने बैफोर हादतफोरग गुबुननिफ्राय थानानै सुबुं अन्जिमा थुग्रानेहायनि बिजाउन महरै थोमोन्था, रांखांथि, रजखांथि आरो समाजआरि बिथिडव गाजि गोहोम खोखलैनाय आरो गिनांगौनि अजद दिखानानै दावराव-दावसि जानाय हादतफोरनि सुबुंफोरखौ लामाआव ओंखानानै खुदिखानायखौबो नुनो मोन्याय जादो। उन्नि समाव जाथायनि थासारिया गिदिर जालानायखौबो खौरां बिजां आरो समाजआरि बिजांफोरनिफ्राय नुनो मोन्याय जादो। बैफोर गिथावना जेनानि थासारिया इयुनाय थुंगेनाय सौफैगोन ना सौफैया बेखौ समासो फोरमायसिगोन।

सोलिफु समआ दावहा-बिग्रायखानाय बादि थासारिजौं बुंफबनायखौ नुनो मोन्दो। जौनि न'सु हादतआव बावैसो सिगां सुबुं बिग्रायखानायनि बिजाउन महरै हादतआव गोबांथार सुबुं जिउ खहा जानायजौं लोगोसे हादतनि धोन-दौलतफोर खहा जालादो। सुबुं खांथि रहाजौं सायख'जानाय सरकाराबो बिबान एंलायनानै खारनो गोनांनो फालदो। सुबुं जांखिनाया उन्नि समाव हादतनि बाडय सानखोनि सुबुंफोर आरो बिसेरनि धोरेम थावनिफोरखौबो खहा खालामदो। बे जाथायखौ जौनि हादतल' नड मुलुगनाडैनो बेनि हेथायै सांखारिया, सावरायनायजौं लोगोसे

दिनेनि फान्जामुथि

राशि बाइदियै मुंनि गिबि हांखो

मेघ : अल वृष : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र बृश्चिक : ब न धनु : ध ङ (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** जेना-जैसि थानायफोर जोबस्त्रानायगोन। गोजोनै थानो हागोन। मोजां सान।
- वृष:** गोसो बायदि रंजा-बाजा खालामनानै थानो हागोन। फारफोमिथिबो मोजां।
- मिथुन:** मानिबा आसा खालामनायफोर दड्ढा मोनो हागोन। गोसोखौ गोजोन मोनगोन। मोजां सान।
- कर्कट:** मानिबा थाखाय जिंगा सिनांगो जागोन। गोजोन्यायखौ मोन्याय नड। गोसोखौ हम्था।
- सिंह:** सानजौफुनि 12:00 रिगानिफ्राय गोसोखौ शान्ति गैयै मोनो हागो। गोसो हम्थानानै सोलिनांगोन।
- कन्या:** जेबो जेना गैयै सुखुयै थानो हागोन। जैरेबो जौगानायखौ मोनो हागोन। मोजां सान।
- तुला:** जेखियानो मावा रांखावरि मुलाम्फा मोनो हागोन। बे राशिनि थाखाय मोजां सान।
- बृश्चिक:** जैरेबो सुखुखौ मोन्दानो हागोन। माबाफोर सान्नाय जाफुनो हागो। मोजां सान।
- धनु:** जैरेबो रंजा-बाजा खालामनानै सम बारहोनो हागोन। जेखि मावा मावनो हागोन। मोजां सान।
- मकर:** माबाफोर बेरमआव गोलैबायनो हागो। जैरेबो सांरां जानानै थानांगोन।
- कुम्भ:** फालांगिरि मावग्रानि थाखाय गहाम सान। मुलाम्फा खालामनो हागोन। गोजोन मोनगोन।
- मीन:** जेखि जाया शुभ खामानि मावनानै लानो हागोन। सान्नाय-हनायफोर जाफुनो हागो।

फावथाइनि सौग्रावनाय आरो ट्रेजेदि

गुबै: ऊ शैलेन भगली
 राव दानस्लायग्रा: अनिल कुमार ब्रह्म

सौग्रावनायखौ (संघात) फावथाइनि मोनसे जोबोद गोनां बाहागो होनानै सान्नाय जादो। फावथाइयाव जाथायनि दावगानाया अरना होयो सौग्रावनायनि सायावनो। थार गुबैयै सौग्रावनाय जागाय जेनाय लोगो-लोगो फावथाइनि जोबथायाबो फैयो। गोजामानो जाथौं एबा गोदानानो जाथौं, गासिबो रोखोमनि फावथाइयावनो मोनसे नड मोनसे रुपाव सौग्रावनाय थाखायोआनो फावथायारि सौग्रावनाय एबा दून्वू, गाहायै मोननै रोखोमनि- बायजोआरि दून्वू आरो इसिडारि दून्वू। गोजाम ग्रीक ट्रेजेदि आरो संस्कृत फावथायाव गाहायै बायजोआरि दून्वूखौनो मानिना लादोमोन। बायजोआरि दून्वू आरोबाव बायदि रोखोमै नुजाथिनो हागो। मानसिया मानसिजौं नंज्लाय-खमज्लायलव लोम्बा थाफानो हागो। बे रोखोमनि सौग्रावनायखौ फ्राय गासैबो फावथाइयावनो नुनो मोनो। माब्लाबा बे सौग्रावनाया मोननै आखुनि गेजेरव (जैरे जोहोलाव आरो बिसार एबा जोहोलाव आरो भिलेइन) एबा मोननै दोलोनि गेजेरव बोन्था जानानै थायो। माब्लाबा आरो जोहोलावआ बायदि समाव बायदि आखुजौं नंज्लाय-खमज्लाय जानाडो। माखासे फावथायाव मानसिया मोदाय (दैव शक्ति) जौं सौग्रावनायाव नांफादोरो। ग्रीक फावथाइयाव दैव एबा निर्यातनि फावआ गोखौमोन आरो बेखावनो बेफोर फावथायफ्राव फ्राय मानसि आरो दैव शक्तिनि गेजेरव सौग्रावनाय दिन्थिनय जायोमोन। जौनि गोदोनि (पौराणिक) फावथाइफ्रावबो बे रोखोम सौग्रावनाय नुनो मोनो। खालि ग्रीक ट्रेजेदिवावल' नड, मोनफा मोननै गोदान ट्रेजेदिवावबो माब्लाबा बे रोखोमनि सौग्रावनाय सोरजिनय जायो। माखासेफोरनि मथे, मानसिया जेब्ला गावनि गोहो एबा खुंथाइनि बायजोनि मबेबा गोहोजौं नाखेव जायो, होमब्ला ट्रेजेदिनि दाहाया बांसिन गोखोडै जाखाडो। गोदान जेनांन फावथाइफोरनि गोबाडवनो गुबुन मोनसे रोखोमनि सौग्रावनायसो गाहायै लैखो होनाय जादो। बेयो जादो बयक्ति आरो समावनि सौग्रावनाय। समाजनि जेनाया जेसेबां बांदो मानसिनि सोलो-खायदायावो एसेबांनो गेवसादो। सोलोथाइनि गेवसासनाय आरो गोसासनाय लोगो-लोगो मानसिनि बयक्ति उदसिन्धिया फसंजादो। जुक्ति-तर्कजौं सायख'-सालिख' नायनानैसो मानसिफ्रा दा गासिबो खोथाखौ आजावनो नागिरो। बेनि बिजानाव समाजव सोलिनाय रांखांथियारि फारखथि, अन्याय, हारि बोखवनाय, जुलिथारि नेम-खांथि आरो गोबां जेनाफोरखौ लानानै बयक्ति आरो समाजनि गेजेरव सौग्रावनाया नुजाथिदो। इबेडेनि समनिक्राय सोमजिनार्य मोखंथां धोरेमारि फावथाइनि गाहाड फुलुड जादो बे रोखोम सौग्रावनाय।

इसिं दून्वूनि खोथाखौ सर्जाबनाय जादो। एलिजाबेथनि मुगानि रमांन्तिक ट्रेजेदिनि समनिक्राय आरो बे समनिक्रायनो ट्रेजेदि सोरजिनयाव इसिं दून्वूनि सायावसो गोनांथि होनाय जादो। बे सौग्रावनाया बायदि रोखोमै नुजाथिनो हागो। माब्लाबा बेयो जानो हागो बबेबा आखुनि गोसोआव मोननै भाव एबा आदर्शनि सौग्रावनाय। माब्लाबा आरो बेयो जानो हागो आखुनि ओन्थोरवनो आदर्शजौं मोखंथानि सौग्रावनाय एबा सोलोजौं ओन्थोरनि सौग्रावनाय बायदि। एलिजाबेथनि ट्रेजेदिवाय बायजोआरि दून्वू दंक्लाबो बेयो बार नोजोर होनांगो नड। गावनि गोसोनि सिडवनो सोलिनाय सौग्रावनायनि बिजाउनवाव बै ट्रेजेदिफोरनि जोहोलावफ्रा जेरेबायदि दोफो दोफो खामगिलदो, बेनि थाखायसो बेफोर मुलुग-थुनलाइयाव थैनो रोडै जानानै दं। बिदिन्थि हिसाबै 'हेमलेट' फावथाइयाव हेमलेट आरो क्लाडियासनि गेजेरव बायजोआरि सौग्रावनाय दंक्लाबो हेमलेटनि गावनि ओन्थोरवनो सोमजिनार्य सौग्रावनायनि सौग्रावनाय बेयो जोबोद एसेल'। मानसिनि गोसोयारि (मानसिक) दाहाया बांसिन जारला सैनो गोनां। बेखावनो, इसिं दून्वू ट्रेजेदिनि दाहाखौ बांसिन गोसोआव गोनां खालामनायाव हेफाजव होयो। जौं सिगाडवनो बुंबोदोदि, गोदान फावथाइनि मोनसे गाहाड आखुथाया जादो इसिं ओन्थोरयारि। बेनि फिथाड हिसाबै फावथाइयाव इसिं दून्वूनि गोनांथिया आरोबाव बांसिनदो। इसिं दून्वू दा मोननै भाव एबा आदर्शनि गेजेरवल' बोन्था जायखै। गोदान फावथाइफ्राय मिहि इसिं दून्वू दिन्थिफुनाय नुनो मोन्दो। मेलारिकनि फावथाइयाव सुथिनां आरो सुथि गैयै गोसोनि गेजेरव सौग्रावनाय दिन्थिनय जादो। बे बेलायाव निकलनि खोथा फंसेखौ मख'नो हायो-

“There (in the dramas of maeterlinck) is a struggle here, not between love and hour, not between two thoughts or emotions but between the conscious and the subconscious mind, between human ties and the ties of the soul.”

सौग्रावनाय गैया हसिया फावथाड लिस्नाया जाथाव जायो ना जाया बेनि बागै फंसे खोथा बुंनो गोनां दं। ट्रेजेदिनि लोखोनफोरखौ बिजिरनानै एरिप्ट'टला बुंदोमोनदि, ट्रेजेदिनि जाथाया बर्नायलु जानो हाथाव। सौग्रावनाय थायाब्ला फावथाइनि सल'या फ्राय बर्नायलु जायो। फावथाइयाव आखु आरो नुथायनि गुमुरखौ जिहिगु गिबियावनो होनाय जायो, बर्नायलु सल' दौंसेयाव नायग्राफोरनि मोजोमनाय आरो मोनथिनो लुबेनायखौ हम्थानाया गोब्राव जानानै फैयो। बबेखानि सरासन्दा नडै रौरासनि फावथाइगिरिनि बेलायाव बेनि एसे जानगार जानो हागो। बेबायदि जाब्लाबो मबेबा मोनसे रोखोमनि हेँथा एबा सौग्रावनाय फावथाइयाव थानाय नुनो मोनो।

भारतआव दासिम एमपक्सनि सासेबो केस मोनाखै

गोदान दिल्ली, 19 आगस्ट : मिरु सरकारा इन्फेक्शन जाग्रा बेमार एमपक्सखौ लानानै भारतनि थियारिखौ नायबिजिरदो। लोगोसे भारतआव आथिखालाव बेनि सासेबो केस मोनैखौबो रोखा खालामदो। गाहाड मन्थिनि गाहाड नेहाथारि पिके मिश्राआ एमपक्सखौ लानानै सरकारनि थियारि आरो बेखौ सिनायथिनो थाखाय नोजोर लाखिनाय तन्त्रनि मोनसे गोजौ थाखोयारि नायबिजिनार्य जथुमाखौ देदो। गाहाड मन्थि मदिआ लांथियै बेनि थासारिनि सायाव नोजोर लाखिगासिनो दड होना बुंदो। मख'नो गोनांदि, मांकिपक्स एबा एमपक्स इन्फेक्शन खालामग्रा बेमारखौ थानाय सप्ताहयावनो हुआ हारिमायारि जिंगा सिथावना अलखद गोनां थासारि (पिएइचआइसि) महरै फोसावदो। बे जिउ फोजोबस्त्रां बेमार आफ्रिकांनि माखासे बाहागोफोरजौं लोगोसे हादतनि आलादा आलादा बाहागोफोरग गोसावदो। गाहाड नेहाथारि पिके मिश्राआ थानाय रबिबारखालि



आथिखालाव भारतआव एमपक्सनि सासेबो केस दिखानो मोनाखै होना बुंदो। जथुमायाव बिजिरनार्यनि उनाव हादतआव बे बेमार गोसारनायनि अलखदआ जोबोद खम होना बुंनया जादो। अब्लाबो बे इन्फेक्शनखौ लानानै सांरांथिखौ बांहोनो बिथोन होदो होना मिश्राआ फोरमायदो। बे बेमारखौ थाबेनो सिनायथिनो थाखाय टेस्टि लेबनि नेटवर्कखौ बांहोनो थिन्दो आरो बेखौ नायबिजिनार्य थाखाय मोन 32 था लेब दड। बे बेमारनि सोमोन्दै सांरांथिखौ बांहोनानयि

हाबाफारि सालायदो। अन्जिमनि बायदिब्ला मुलुगनाडै बेनि गासै मोन 99,176 केस दिखानो मोनबाय, जायफोरनि गेजेरव सा 208 आ थैबाय। बे बेमारनि लोखोनआ 2-4 सप्ताहनि गेजेरवनो जोबना थाडो। बेयो एसे फहामथाड आरो जोथोन लानायजौनो गावनो गाव गहाम जायो। बे बेमारनि इन्फेक्शन गोबाव समसिम इन्फेक्शन जानाय बेमारिजौं सोमोन्दोआव फेनायजौं जायो। बेयो आथोरिनि सोमोन्दो लाखिनाय, थैनि सोमोन्दोआव फेनाय आरो ड्रेस गान्देलायजौं जानो हागो एबा सन्देनो हागो।

मुम्बाइयाव पुजा होनानै फैफिनबाय थानाय पुजारिफोरनि सायाव गाम्लोबदो

मुम्बाइ, 19 आगस्ट: महाराष्ट्रनि राजथारनि मुम्बाइयाव थानाय शनिवार हरव सावा सुबुंफोर ज' जानानै सानै पुजारिफोरनि सायाव गाम्लोबो। बे गाम्लोबनायाव सानै पुजारिफोरा जोखोम जायो। गाम्लोबनायाव लावथि आरो दाबा चुरिजौं सानै पुजारिनि सायाव गाम्लोबो। बे जाथाइनि भिडिअआबो भाइरेल जगासिनो दड। मुम्बाइ पुलिसआ बे जाथाइनि खौरां होयो। बे गाम्लोबनायनि खौरां मोन्याय लोगो लोगो पुलिसआ जाथाइ जानाय जायगायाव सौहैयो, अब्लासिमाव गाम्लोबनाय दार्यनिगिरिफोर जाथाय जायगानिफ्राय



खारबायमोन। मुम्बाइ पुलिसआ बे गाम्लोबनाय केसआव सानै सुबुंफोरखौ जिम्मायाव लायो आरो गुबुन सुबुंफोरखौ नागिरनो जागायो। आथिखालाव एथम खिलारे आरो घट्टु मनिहार मुंनि सानै

सिद्दार्थमैयानि सायाव केस सालायनो गनायथि होनायनि हेँथायै कंग्रेसनि धर्ना

बेंगालुरु, 19 आगस्ट : कंग्रेसनि कर्नाटक आफादआ मेसुरु शहरारि जौगाखां अट'रिडि (एमइउडिए) गेना-खांथि केसआव गिबि मन्थि सिद्दार्थमैयानि हेँथायै रइज्यो बेंगिरि थावरचन्द गहलतनि गेजेरजौं केस सालायनार्यनि गनायथि होनायनि हेँथायै समबारखालि रइज्योनोडै धर्ना खालामनो थांखि लायो। गहलतआ शनिबारखालि सिद्दार्थमैयानि हेँथायै के स सालायनार्यनि गनायथि होदोमोन। गिबि मन्थिया बे दायफोरखौ नेवसिगारो आरो आइनारि महरै बेजो जुजिनार्यनि बाध्या बुडो। कर्नाटकनि लेडइ गिबि मन्थि आरो रइज्योयारि कंग्रेस आफादगिरि डिक्ले शिबकु मारआ रबिबार खालि बुडोदि, रइज्यो नाडेनि गासै जिल्ला गाहाड मावख'फोराव रेलिफोर खुंनया जागोन। पार्टीनि गाहाड मावख'फोराव रेलिफोर खुंनया जागोन। पार्टीनि गासै दैदेनगिरि आरो मावसुमाफोर बेयाव बाहागो लागोन। गिबि मन्थिया फैगो 22 आगस्टआव कंग्रेस एमएएए



दोलोनि जथुमा लिडे। सुलुनि बायदिब्ला, गिबि मन्थिया कंग्रेस एमएएफोरनो बे आयदाफोरखौ मिबथिहोगोन। आइनारि आरो राजखांथियारि महरै बे केसजौं जुजिनार्यनि सोलोखांथि थियारि खालामगोन। कर्नाटकनि खौरां फोसावदि मन्थि प्रियांक खरोआ खौरांगिरिफोरनि सिगाडव बुडोदि, आथिखालाव रइज्यो बेंगिरिनि बिफावखौ लानानै जोबोद दावराव जगासिनो दड। बेनिखायनो जौंहा गावसोरनि सुबुंफोरखौ मिबथि

डाक्टरफोरनि रैस्वाथिनि थाखाय बिल लाबोनो मिरु सरकारनिसिम दाबिदो कंवेसनि एमपि थारुआ



तिरुवनन्तपुरम, 19 आगस्ट: केरलानि तिरुवनन्तपुरमनिफ्राय देहहारायानि कंवेसनि एमपि शशि थारुआ कलकाटानि आंजि कर मेडिकल कलेज एन्ड हस्पिटलआव ट्रेनि लाबाय थानाय सासे आइजो डाक्टरफोरनि अनागारै बुथारनाय केसआव गिबियै फिनजाथाय होदो। बिथाड डाक्टरफोरनि फासै गावनि अन्सायनाय आरो लोगोसे थाफानायखौ मिथिहोयो। लोगोसेनो कंवेसनि एमपिआ मिरु सरकारनि सायाव गोखोडै थांखियो। रबिबारखालि कंग्रेसनि एमपि थारुआ एएनआइजो सावरायनाया बुंदोदि, खमैबो 2 बोसोरनिफ्रायनो डाक्टरफोरनि हेँथायै जानाय हिसानि आयदायाव बिथाड संसदआव बाध्या बुंवेबाय थादो। बै समनि सावसि मन्थि मासुकु मान्डीबियाजौं बिथाड एसे

दुखु फोरमायदो। मख'जाथावदि, 2023 नि आगस्टआव कंग्रेसनि एमपि थारुआ हाबा मावग्रा जायगायाव एबा देहा फाहामसालिफोरव डाक्टर आरो सावसि मावफारियाफोरखौ हिसायारि जाथायनिफ्राय रैखा खालामनायनि थाखाय आइन लाबोनांगोनि दाबि खालामदोमोन। बेबादि हिसाजौं भुगिनांनयाफोरनो एबा बिनि नख'रनो रांखांथियारि आरो आइनारि मदद होनो थाखायबो थिथाडा खालायदोमोन। बे समाव थारुआ केरलायाव जिउ गोमानांनया सासे आइजो डाक्टरनि बाध्याखौबो रायखौदोमोन। बेराफासै सोनाब बंगनि रइज्यो बेंगिरि मावख'आ रबिबारखालि रइज्योनि मेडिकल कलेजफोरजौं फोनांजाव खालामो आरो आइजो डाक्टरफोर, पेरा-मेडिकल स्टार्फनो थोसासे रैखाथि रहा जगयनायनि बिथोन होयो। बावैसो सिगां कलकाटानि आइजो डाक्टरखौ बुथारनाय केसखौ नायबिजिरासिनो थानाय सिबिआइ हान्जाया आरजि कर मेडिकल कलेज एन्ड हस्पिटलनि इमार्जेंस वाडैखौ उडि लेजार मेपिबो खालामदो। सुप्रिम कर्टनि गाहाड बिजिरिगिरि डि वाइ चन्द्र चुरनि बेन्सा फैगो 20 आगस्टखालि बे केसनि सायाव हिथारिहोगोन।

एन्टनी ब्लिंकनआ दावहा दोन्थ 'नायनि सायाव सावरायनो तेल अभिव दावबायबोदो



काहिरा, 19 आगस्ट: हामास आरो इजराइलनि गेजेरव दावहा दोन्थ 'नायनि सायाव सावरायनाया बुधवारखालि काहिरायाव जागार्यफिनसिगोन। मिस्त्र, कातार, आमेरिका आरो इजराइलनि थान्दे आफादआ बुधवार आरो बृहस्पतिवारखालि जानो गोनां सावरायनायाव बाहागो लागोन। सावरायनायखौ आवगायनो थाखाय आमेरिकानि गुबुन हादतयारि मन्थि एन्टनी ब्लिंकनआबो रबिबारखालि तेल अभिवआव सौहैयो। दावहा जागयनायनि उन्निफ्राय बेयो बिथानि 10थि खेब इजराइल



दावबायनाय। बेनि गेजेरजौं इजराइलआ गाजायाव मोन 40 केम्पफोरनि सायाव गाम्लोबदो। बेयाव सा 24 सुबुंफोर थैयो। थैनायफोरनि गेजेरव सासे आइजो आरो बिनि सा 6थ'फोरखो दफायो। इजराइलआ नोगोरारिफोरखौ नोजोर केम्पफोरनि सायाव गाम्लोबदो। बेयाव सा 24 सुबुंफोर थैयो। थैनायफोरनि गेजेरव सासे आइजो आरो बिनि सा 6थ'फोरखो दफायो। इजराइलनि गाहाड मन्थि बेन्जामिन नेतन्याहु आरो गुबुन गागि बिबानगिरिफोरजौबो लोगो हम्गोन। नेतन्याहुआ रबिबारखालि केबिनेट जथुमायाव बुडोदि, इजराइलआ गाजायाव लाखिनाय गावसोरनि जोबथेना लाखिनायफोरखौ लाबोफिनो थाखाय सावरायनायाव नांथावदो। नाथाय बे सावरायनायाव बै आयदाफोरखौबो नोजोर लाखियो, जायफोरा रैखाथिनि थाखाय मख'जाथाव। हामासआ नेतन्याहुनि सायाव सावरायनायाव हेँथा होनो थाखाय गोदान सर्तफोर दिन्थिनार्यनि दाय जाबसिन्दो।

फरायसुलिफोरा गाहाइ मन्थि मदिनि आखाइयाव राखि खानानै होदौ

गोदान दिल्ली, 19 अगस्त: गाहाइ मन्थि नरेन्द्र मदिनि आखाइयाव गोबां फरायसुलिफोरा राखि खानाई। बिथानि आखाइयाव खानाय राखिफोरनि गेजेरव मोनसे राखिआ जोबोद जर'खा। मानोना बे राखिआव गाहाइ मन्थि मदि आरो बिथानि रूसारि बिमानि सावगारि दड। गाहाइ मन्थि मदिखौ जर'खा राखि खानाय भिडिआ सोराइव फेदौ आरो बाइइ समनि गेजेरवो गोबां गोसारदौ। हादरनाइ दिने रक्षा बन्धननि फोबौ फालिनाय जादौ। बे खावुआवो फरायसुलिफोरा गाहाइ मन्थिनि न'सिम सोहेनाने नरेन्द्र मदिनि आखाइयाव राखि खानाई। बिथानि आखाइयाव खानाय जर'खा



राखिनि सावगारिआव गाहाइ मन्थि मदिखौ गावनि बिमानि आर्थि सुनानै होनाय नुनो मोन्दौ। गाहाइ मन्थि मदिआ रक्षा बन्धन

फोबौनि खावुआव हादरनि बयनोबो हामलायथि बाउदौ। बिथाड ससेल मिडिया प्लेटफर्म एकसआव बुंदौदि, बयबो

हादरयारिफोरनो बिदा-बिनानाव एबा बिब' फ'बायनि गोथार सोमोन्दोनि नेसौन फोबौ रक्षा बन्धननि हाहाम हामलायथिखौ बाउदौ। गोथार फोबौआ बयनिबो सोमोन्दोआव गोदान गोदे आरो जिउआव सुखु-गोजेन एबा जाफु'सारनाय लानानै फेथौ होनानैबो बिथाड बुडे। बेजौ लोमोसेनो गाहाइ मन्थिआ बुंवावदौदि, सावन दाननि जोबथा समबाखौ लानानैबो बोसोरफोमबो सावन दाननि पुर्णिमायाव जर'खावे फालिनाय रक्षा बन्धन फोबौआ बिदा-बिनानाव एबा बिब'-फ'बायनि गोथार अनलायनाय सोमोन्दोखौ आरोबाव गोथौसिन खालामो। गोथौ अनलायनायनि बे फोबौआव बिब' एबा बिनानावफोरा गावनि बिदा-फ'बायफोरनि जाफु'सारनायनि थाखाय आर'ज गाबो। बिदा एबा फ'बायआ बेनि बदलै गावनि बिब'-बिनानावफोरखौ मोनफोमबो जेना एबा खैफोदनिफ्राय रैखा खालामगोन होनाने समायखिरा लायो।

पुशता रडआव गोदान एक्सप्रेस-वे बानायसिगोन



नएडा, 19 अगस्त: नएडा ग्रेटर नएडा एक्सप्रेस-वेजौ बान्या-मेलानि होंगो-दोंगोखौ खम खालामनो थाखाय नएडा अटरिदिआ पुशता रडआव गोदान एक्सप्रेस-वे बानायहोनो सान्दौ। नाथाय जेना फेदौदि, मानोना पुशता रडआव रडआ नेसनेल हाइवेनि थाखोआव गैया। बेनिखायनो नेसनेल हाइवे अटरिदि अफ इन्डिया (एनएडएसआई) आ बेखौ बानायनायनिफ्राय जानगायव थादौ। नएडा अटरिदिनि सिडअ डा. लकेश एमआ वे बिथौखियाव गासै 3-4 रोजा कौटि रं खरसा जागोन। अटरिदिआ बेखौ बानायनो हाया, मानोना ज्वाइन्ट वेन्चाराव बे खामानिया जानो हाया। बेनि थाखाय जौ एनएडएसआईजौ लोमोसे साभे खालामनाफिनगसिनो दड। जाहाथे बे गोदान थांखि लानाय एक्सप्रेस-वेखौ नेसनेल हाइवेनि थाखोआव लाखिनानै खालामनो हायो। सुलुनि बायदिब्ला, नएडा, ग्रेटर नएडा


एक्सप्रेस-वेआव आथिखालाव 10 लाख गरिफोरनि होंगो-दोंगो दड। नएडा एयारपर्ट बानायनायनि उनाव बेनि होंगो-दोंगोआ नै गुन जानो हागौ। बेनिखायनो नएडा अटरिदिनि सेक्टर-94 नि थांखिनिफ्राय पुशता रडआव मोनसे एक्सप्रेस-वे बानायनायनि बिथौखि लादौ।

बेजौ सेक्टर-150 निखाथियाव यमुना एक्सप्रेस-वेजौ सरजाबानयनि बिथौखि दड। जाहाथे नएडा एयारपर्ट थाखाय थांलाय-फैलाय खालामग्राफोर गोदान लिंक मोनसे हायो आरो बिसोर नएडा ग्रेटर नएडा एक्सप्रेस-वेआव फेनायनिफ्राय बाग'यो। बेनि थाखाय अटरिदिआ मोनसे साभे खालामग्रा टिमबो दादौमोन, जेयव एनएडएसआईखौ सोफादौमोन। जथुम्मानि समाव एनएडएसआईनो लाइजाम लिखनै बानायनो थाखाय बुंदौमोन। बेनि उनाव एनएडएसआईआ नेवसिगारदौमोन। नाथाय अटरिदिआ वे हाबाफारिखौ एनएडएसआईखौ मोनफोमबो लुबेदौ आरो बेनि थाखाय लांथिये सोमोन्दे लांथिगसिनो दड।

गुवाहाटी, 19 अगस्त: गुवाहाटी हाइ कर्टआ मोनसे मख'जाथाव थांखियाव आसाम सरकारनो नगाव जिल्लायाव बिबानगरिफोरनि गेजेरजौ आयेन बेरेखायै फोजोबखानाय सफिकुल इस्लामनि रान्दि बिसि राशिदा खातुननो अन्सुंथाय होनो बिथोन

तिनसुकियाआव कलेजनि हिन्जावसाखौ कलकातानि बायदि जेनायाव खोखलैनो हुमखि होदौ दुथां सुबुंफोरा

तिनसुकिया, 19 अगस्त: आसामनि तिनसुकिया जिल्लायाव पुलिसआ आथिखालाव दायनिगिरिआ सिगां सशेल मिडियाआव नुजाथिदौमोन, मानोना हिन्जावसाखि सासे लोमोआ बेखौ शेरयार खालामदौमोन। अदेबानि, पुलिसआ सशेल मिडिया आरो ओन्सोलनि सिंसिर्दिभि पुटेजनि गेजेरजौ बे जाथायआ सोराइव फेदौ।



सायाव जानाय दुखुंथाव जाथाय बायदि भुगिनांनयनि हुमखि होदौमोन। दायनिगिरिआ सिगां सशेल मिडियाआव नुजाथिदौमोन, मानोना हिन्जावसाखि सासे लोमोआ बेखौ शेरयार खालामदौमोन। अदेबानि, पुलिसआ सशेल मिडिया आरो ओन्सोलनि सिंसिर्दिभि पुटेजनि गेजेरजौ बे जाथायआ सोराइव फेदौ।

आइपिएफटिआ आलादा त्रिप्रालेन्ड दाबिनानै गोदान दिल्लीयाव सोमावसारनो हाबाफारि लादौ

आगरतला, 19 अगस्त: त्रिपुरयाव भारतीय जनता पार्टी (बिजेपि) नि हेफाजाबगिरि इन्डिजास पिपुलस फ्रन्ट अफ त्रिपुरा (आइपिएफटिआ) आलादा राइज्यो त्रिप्रालेन्ड दानो गावसोरनि दाबि दैखानायखौ मख'नानै फेगौ 23 अगस्तआव गोदान दिल्लीनि जन्तर-मन्तरव धर्ना खालामगोन। आइपिएफटिआ माखासे बोसोरनिफ्रायनो त्रिप्रालेन्डनि थाखाय टिटेएएडिसिखौ आबुं राइज्योआव सोलायनो दाबि दैखानायसिनो दड। बाबेसो सिगांनि बोसोरफोराव आइपिएफटिआ माखासे धर्नाफोर खालामदौ। माहारियारि रजथावनिआ वे दाबि दैखानायखौ आवागायहोगोन। पार्टीनि दैदेनगिरिफोर फोसावनाय बायदिब्ला, बिसोर गाहाइ मन्थि नरेन्द्र मदि आरो नख'र मन्थि अमित शाहनो गांसे गोसोखौ बिलाइ गथाइगोन, जेराव मिरु सरकाखौ भारतयारि संबिजनि आर्टिकल 2 आरो 3 नि गेजेरजौ टिटेएएडिसिखौ दरसे आलादा राइज्योआव आपोट खालामनो



खावलायगोन। दैदेनगिरिफोरा बुडोदि, थांनय बोसोरफोरनि बायदि जौ त्रिप्रालेन्ड आबुं राइज्यो दाबि दैखानाय सानखौ सिनायथिनो थाखाय फेगौ 23 अगस्तआव दरसे आबुं त्रिप्रालेन्डनि थाखाय जन्तर-मन्तरव धर्ना खालामगोन। अदेबानि 23 अगस्टनि अकटआ पार्टीनि थाखाय मख'जाथाव। मानोना बेखौ थांनय 2009 निफ्रायनो त्रिप्रालेन्ड राइज्यो दाबि

दैखानाय सान महरै फालिनाय जायो। हादतयारि आदिबासिफोरनि थाखाय दरसे आलादा राइज्यो मोनय थांखिजौ 1990 जौथायाव गाइसनजानाय आइपिएफटिआ थांनय माखासे बोसोरव माखासे बोखावनायखौ गावसोरनि बाहागो महरै नोजेर होदौ। बेनि गेजेरजौ माखासे दैदेनगिरिफोर त्रिप्रा मता पार्टी (टिएएमपि) बायदि गुबुन हान्जाफोरव गावसाबाय, जायखौ

आगुनि राजा फोलेरनि बिक्रम माणिक्य देवबर्माया दैदेनदौ। बिजेपिजौ लोमोसे आइपिएफटिनि जुथाइ हान्जानि फिथाइ महरै 2018 नि त्रिपुरा बिधान सभा बिसायख'थिफोराव मोनसे मख'जाथाव बिसायख'थि देहायो, जायजौ सिपिआइ (एम) नि दैदेनय वाम मार्चनि 25 बोसोर गोलाव सोलिबोनाय खुंथाया जेबना थाखे।

गुवाहाटी हाइ कर्टआ आसाम सरकारनो बतद्रवाआव न' खोमानांनय सुबुंफोरनो अन्सुंथाय होनो बिथोन होबाय



होयो। बे फोजोबखानाय थांनय जागायनाय मोनसे पिआइएलनि हियारिनि समाव फेयो। बे केसआव गालोबनायनि उनाव जायो। बिजिसालिनि थांखिया वे केसखौ

सोमोन्दो लाखिनो थाखाय जागायनाय मोनसे पिआइएलनि हियारिनि समाव फेयो। बे केसआव गालोबनायनि उनाव जायो। बिजिसालिनि थांखिया वे केसखौ

स्टेशन गालोबनायनि फिनजाथाय महरै फोजोबखानांनो। हाबाफारिनि समाव अरजलाइ गथायग्राफोरनि उकिल एनके शर्मा आ बिजिसालिनि मिबथि होयोदि, सरकारआ मोन 6 गुबुन गोहोम गोलैनाय नख'रफोरनो अन्सुंथाय होबाय। नाथाय राशिदा खातुनआ दासिमबो वे खहानि थाखाय जेबो अन्सुंथाय मोनाखे। बे हाबाफारिखौ गांसे हलफनामनि गेजेरजौ बिजिसालिनि नोजेराव लाबोदौमोन, जेराव अन्सुंथायखौ बेखेवना होदौमोन। हलफनामनि बायदिब्ला, आसाम सरकारआ बे

गंने नख'रफोरनो 12-12 लाख रं होयो, जायफोरनि न'आ सिमेनदौ। बानायजानायमोन। बेनि अनगायै रासिदा खातुननि अन्सुंथाया गोलैसोना दड। आसाम सरकारखौ दैदेनय गगि सरकारी उकिल डि नाथआ बिजिसालिनि खोथा होयोदि, नख'र बिफानआ सिगाडवनो राशिदा खातुननि थाखाय अन्सुंथायखौ गनायथि होबाय। बिजिसालिनि बिथोनखौ गोहोम गोलैनाय नख'रफोरनि थाखाय बिजिसालिनि रोखा खालामनाय फासे मोनसे मख'जाथाव थांखि महरै नोजेर लाखिनाय जादौ।

No. DPRD/BTC/(SOPD)UdI-II/2024/8, Dated Kokrajhar, the 17th Aug., 2024

PRESS NOTICE
(e-Procurement)

The Director, P&RD, BTC, Kokrajhar invites bids for implementation of work "Const. and widening of road with heavy E/F and S/G from Bormukuli Medical sub-centre to Jorapukhuri with 2 slab culverts" against tender value for an amount not exceeding of **Rs.20,39,800.00** (Rupees twenty lakhs thirty nine thousand eight hundred) only under SOPD fund for the financial year 2024-25 from the registered contractors of Class-I & Class-II (A,B & C) category of Assam PWD (Roads)/(Building), BTC.

Details may be seen at website <http://assamtenders.gov.in> and also at the Office of the undersigned during office hours.

Sd/-Director,
Panchayat & Rural Development, BTC, Kokrajhar

IPR(BTC)/C/2024-25/325

No. BDB/Tender/46/2023-24/2061 Date 16/8/2024

SHORT NOTICE INVITING TENDER.

Sealed tender affixing a non-refundable Court fee stamp of Rs.8.25(Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of Class-I (A, B & C), Class-II & Class-III category of Assam PWD (Roads & Building) and BTC according to their eligibility for submitting tenders for the works under Bhergaon Dev. Block of Udalguri Dist Under 15th FC (Untied Grant) Under P&RD Deptt. for the year 2022- 23 during 2024-25, BTR Kokrajhar as stated below. The tenders will be received by the undersigned up to 2.00PM on 10/9/24 and will be opened on the next date (as on 11/9/24) & place at 2.30 PM.

Sl. No.	Name of activity	Est'd. Value (in Lakhs)	Tender Value	EMD/Bid Security (in Rs)	Cost of Tender paper (in Rs.)	Pre-bid date and Time	Last date & time of bid submission	Date & Time of bid opening	Time of completion of Work
1	"Const. of Crematorium ground at Udumari"	10,00,000/-	9,52,381/-	(for 10,000/- ST,SC) 20,000/- (for OBC/ General)	300	19/8/24	10/11/24	11/11/24	6 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 19/8/24 to 11/11/24 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar.

Sd/-
Block Development Officer
Bhergaon Dev. Officer, Bhergaon

IPR(BTC)/C/2024-25/328

No. DPRD/BTC/(6th ASFC)DF/UdI-21/2023/07, Dated Kokrajhar the 19th Aug., 2024

NOTICE INVITING TENDER

Sealed tenders with a validity period of 90 (Ninety) days from the date of receipt in prescribed from affixing non-refundable court fee stamps of Rs. 8.25 (Rupees eight and paise twenty five) only subsequently to be drawn up in printed F-2 form are hereby invited from the Govt. registered PWD (Roads/ Building), Irrigation, Water Resources, PHE others Govt. Contractor's under Class-I (A, B, C), Class-II and Class-III category from approved firm/ suppliers of 2020-21/2021-22 according to tender limit of eligibility for the following works and will be received in the office of the undersigned up to 2.00 pm on 19/08/2024 and will be opened on the same date and place at 2.15 pm in the presence of willing contractors or their authorized agents.

Sl. No	Name of Dev. Block	Name of Scheme	A/A Amount (in Rs.)	Tender Amount (in Rs.)	Earnest Money (ST, SC, OBC-1% & Gen-2%) (ST, SC, OBC-1% & Gen-2%)	Cost of Tender	Time for completion in days
01	Mazbat Dev. Block	Development of Naoherua Graveyard at Naoherua village	19,05,115.00	19,05,115.00	@ 580/-	3 months	

Details NIT may be seen in all working days in the office of the undersigned. Tender paper will be issued to the contractors or their authorized agent up to 12.00 Noon on all working days from 19-08-2024 to 12-09-2024 in the office of the undersigned on payment in the form of Banker cheque/ Demand draft of any nationalized Bank (Preferable SBI) duly pledged to the Director, P&RD, BTC, Kokrajhar. The Cost of tender (Non-Refundable) must be in the form of Demand Draft/ Banker Cheque of a Nationalized Bank drawn in favour of the Principal Secretary, BTC, Kokrajhar and payable at SBI, Kokrajhar to be deposited 0.03%.

Sd/-Director,
Panchayat & Rural Development,
BTC, Kokrajhar

IPR(BTC)/C/2024-25/331

बिजेपिनि उनाव टिएमसिआ गिबि मन्थि सिद्धारमैयाखौ बिबान एंगलायनांगौ होनानै दाबि दैखांदौ

कलकाता, 19 अगस्त: तृनामुल कंग्रेसआ कर्णाटकनि गिबि मन्थि सिद्धारमैयानि आयदायाव कंग्रेसखौ बाधार्जौ गालोबदौ। अरजि कर मेडिकल कलेज एन्ड हस्पिटलआव ट्रेनिंग लाबाय थायाय आइजो डक्टरखौ अनगायै बुथायनाय केसआव कंग्रेसनि दैदेनगिरि रहलु गान्धीआ बिबुंथि होनायनि उनाव टिएमसिआ फिनजाथाय होफिन्दौ। मख'जाथावदि, इन्डिया जुथाइ पार्टीनि बांसिन पाटिफोरनो अनगायै जिउ गोमानाय डक्टरनि थाखाय थार बिजिसालिनि मोनगांनि दाबि खालामदौ। बेराफासै ममता बेनार्जी सरकारआ आजावनाय थांखिफोरखौ हेफाजाव होदौ। बबेखानि रहलु गान्धीआबो सासे दैदेनगिरि, जाय कलकातानि जाथायाव भुगिनांनय डक्टरनो बिजिसालिनि होनो हास्थयालासे दायनिगिरिखौ रैखाथि होनो नाजागसिनो दड। बेराफासै सोनाव बंग कंग्रेसआ टिएमसि सरकारनि हेंथायै लामायव ओंखारानै धर्ना खालामदौ। गावनि सरकाखौ बायनायनि लामायव नुनानै टिएमसि राजखान्थि हान्जाया कंग्रेसनि सायाव गोखौ फिनजाथाय होदौ। एमडिडिए हा गेनाखांथियाव मुं सुजानायनि उनाव कर्णाटकनि गिबि मन्थि सिद्धारमैयाखौ लानानै टिएमसिनि बारग' राइज्यो सभा एमपि कुनाल घषआ बुंदौदि रहलु गान्धीआ गावनि पार्टीनि गिबि मन्थिखौ बिबान नागारनो थाखाय बुंगोन नामा? बेयो गेनाखांथिनि गोब्राव दाय जाबसिन्याय, सोनाव बंगनि जाथायनि सायाव रोखा मिथियाजासे



आरो गिबि मन्थि ममता बेनार्जीआ आजावनाय थांखिफोरखौ मिथियाजासे बिथाडा ससेल मिडियाआव बिबुंथि होदौ। बिथाड अनाने गावनि गिबि मन्थिखौ लानानै बेबादि थांखि आजावो हागोन नामा होननाबो घषआ बुडे। मख'जाथावदि, रहलु गान्धीआ बृहस्पतिवारखालि एक्सआव कलकातानि जाथायजौ भुगिनांनय नख'रजौ लोमोसे बिथाडा दंफायो, जायखि-जाया थासारियावनो थार बिजिसालिनि मोनगांओ आरो दायनिगिरिआ एरैबादि साजा मोनगांओ, जायखौ समाजआव मोनसे बिदिन्थि महरै दिन्थिनो हायो होना बुंदौमोन।

एम्पनि डाक्टरफोरा सावस्त्रि मावख'नि बाइजोआव बेमारिफोरनो बेसेन नाइँ फाहामथाय होगोन

कलकाता, 19 अगस्त: कलकातानि अरजि कर देहा फाहामसालियाव सासे ट्रेनि आइजो डाक्टरखौ जिनाहारि खालामना बुथायनाय केसआव बिजिसालिनि दाबि दैखानायखौ लानानै डाक्टरफोरनि सोमावसारनाय सोलिगसिनो दड। हादतनि आलादा-आलादा बाहागोफोरव दिनेबो डाक्टरफोर बन्दआव दड। एम्स आरो दिल्लीनि गुबुन देहा फाहामसालिफोरनि रेजिडेन्ट डाक्टरफोर 19 अगस्टनिफ्राय सावस्त्रियारि मावख'नि सिगाडव फ्री अपिडि सिबिथायफोर होनो फोसावो। बेराफासै, बे केसआव



राजखान्थियावो गुलु-गुलु जागसिनो दड। अदेबानि बिजेपिआ आरो खेबसेबाव सोनाव बंगनि गिबि मन्थि ममता बेनार्जीखौ बिबान एंगलायनो दाबि दैखांदौ। बेनि

हियारि होगोन। चीफ जास्टिस डिवाइ चन्द्रचुडनि दैदेनय चिटआ बे केसखौ खोनासंगो। बेराफासै, मुम्बईनि डाक्टरफोर आरो जायगानि सुबुंफोरा दिने आजाद फोथाराव धर्ना खालामो। बेनि गेजेरजौ सोनाव बंगनि राइज्यो बेंगिरि डा. सिभि आनन्द बसआ मिरुआरि नख'र मन्थि अमित शाह आरो सावस्त्रियारि मन्थि जेपि नड्डाजौ लोमो हमनो समबाखालि दिल्लीयाव थांगोन। राइज्यो बेंगिरिआ आथिखालनि थासारिखौ लानानै नख'र मन्थिनो रिपट गथायनो हागौ।

बोथोर बिफानआ माखासे राइज्योफोराव अखानि अरेन्ज एलार्ट फोसावदौ

गोदान दिल्ली, 19 अगस्त: हिमाचल बायदि हाजो जायाफोरव बे खेबाव अखाया जोबोर दोहौ सोमजिहोदौ। रजस्थानजौ लोमोसे गोबां राइज्योफोराव दै बाना जानायखौ नुनो मोन्दौ। केरेलानि भायनाडआव अखा आरो हा गिसिखानायजौ गोबां सुबुंफोरनि जिउ खहा जाबाय। बेनि गेजेरजौ भारतीय बोथोर बिगियानआ सोनाव बंग, नागालेन्ड, मिजराय आरो त्रिपुरजौ लोमोसे हादतनि गोबां राइज्योफोरव अखानि अरेन्ज एलार्ट फोसावदौ। आइएम्डिनि बादिब्ला, बिहार, छत्तिसगड आरो खोला भारतनि माखासे ओन्सोलफोरव गोबां अखा हानायनि आसा दड। उत्तर प्रदेशआवबो एलार्ट फोसावदौ। बेवहाय फेगौ साननिफ्राय सि सानसिम लांथिये अखा हागोनखौ हमदांदौ। आइएम्डिनि नायबिजिगिरि डा. नरेश कुमारआ बुंदौदि, 'जौ सोनाव बंगल, नागालेन्ड, मिजराय, त्रिपुरनि थाखाय दिने आरो गाबोननि थाखाय अरेन्ज एलार्ट फोसावदौ। बेवहाय गोबां अखा हागोनखौ हमदांदौ। बिहार, छत्तिसगड आरो खोला ओन्सोलाव



जोबोर रोजा अखा हानायनि आसा दड। दिल्ली एन्सिआरआव सरसनसा अखा हानायनि आसा दड। आइएम्डिनि बादिब्ला दिने आरो गाबोन सरसनसा अखा हानायनि आसा दड। बेनि उनि सानाव अखाया नागारनायनि आसा दडआरो बेनि उनाव इसे अखा हानया जागायगोन।

बबे जुनातनि खोमाया आथिंआव थायो मिबथिगौ ना ?

मुलुगाव गोबां जिव-जुनात आरो जिउनांफोर दड, जायफोरनि बबेयावबा जोबोद सोमोनांथाव आरो गोबांनि बागे जौं मिबथिया। जौं जौंनि खाथि-खालायाव थानाय जिव-जुनातफोरखौबो आबुडै मिबथिया। माखासे जिव-जुनातफोर आलादा गुन आरो जर'खायै सोरजिजानाय। दिने जौं मोनसे सौंथि लाबोदों, जायखौ खोनायोब्ला, नौंथाड फोथायनो गोब्राव मोनगोन आरो मिनिथावबो मोनगोन। सौंथिआ जादों मुलुगनि बबे जुनातनि खोमाया मोखांनि सेराव थाया, बेयो आथिंआवसो थायो ? नेशनेल जिअग्रॉफिक आरो साइन्टिफिक आमेरिकान वेबसाइटनि बायदिब्ला, गुमाफोरनि खोमाया बेसोरनि



आथिं सेराव थायो। बेनि खोमाया हान्थुनि एबा गुमानि आथिं ज'रनि इसे गोजौआव थायो। खायसेया गुमानि खौमाया बेनि उदैयाव थायो होन्ना बुंनय जायो। नाथाय बिगियानगिरिफोरनि बायदिब्ला, गुमाफोरनि आथिंआ बेनि हान्थुनि

इसे गोजौआव थायो। गुमाफोरनि खोमाया सिगां आथिंफोरव थायो आरो बेयाव मोनब्रै सोदोब बोना लाग्रा साउन्ड रिशिभार थायो। बेनि गेजेरजौं बेयो बायजोनि सोदोबफोरखौ खोनायो। गुमाफोरनि बागे गुबुन मोनसेबाव

मख'जाथाव फेक्टस दड। जैरे बेफोरो हान्जायै गिदिडे आरो बेनि हान्जाया औरैबायदि गिदिद जायोदि, सानसेयावनो रोजा-रोजा बैसो गोरा सुबुंफोरनि आदारखौबो जालांनो हागौ। मानोना बेफोर गुमाया गिदिद हान्जायाव जिउ खाडे आफ्रिका, एसिया आरो आमेरिकानि माखासे बाहागोफोराव गुमा गावरेमाफोरखौ आदार महरे जायो। गुमाया गावनि आथिंखौ गावजौं गाव बुजाबनानै सोदोब रिखांहोयो। सोमोनांथाव बाग्रादि, 200 मिलियन बोसोरनि सिगांनिफ्रायनो गुमाफोरा बुहुमाव दड। फसिक रिक् डैसआ फोरमायोदि, गिबि खेब गुमाखौ 300 मिलियन बोसोर सिगां नुनो मोन्दीमोन। बुहुमनि गोजामसिन जिबफोरनि गेजेराव गुमायाबो मोनसे होन्ना गनायनाय जायो।



अख्रांमानिफ्राय सेबखांनय भारतनि जर'खा सावगारि नासानिफ्राय फोसावदों

गोदान दिल्ली, 19 आगस्ट: नेशनेल एरनटिक्स एन्ड स्पेस एडमिनिस्ट्रेशन (नासा) आ सम सम ब्रह्मान्दिन सोमोनांथाव आरो फोथायनो गोब्राव सावगारिफोरखौ शोयार खालामो। बांसिन समावनो स्पेस स्टेसनआव थानाय अख्रांमा दावबायारिफोरनि गेजेरजौं बुहुमनि सावगारि सेबखांनय जायो। बेफोर सावगारिखौ मुलुगनि गेजेराव शोयार खालामनायबो जायो आरो बेनिफ्रायनो जौं ब्रह्मान्दिनफ्राय बुहुमखौ माबादि नुयो बेखौ मिथिनो हायो। नासानि अख्रांमा दावबायारि मेथ्यु डमिनिकआ स्पेस स्टेसननिफ्राय सेबखांनय हरनि समाव नुनो मोन्नाय भारतनि मोनसे आगोमा सावगारि शोयार खालामदों। सावगारिआव भारतनि सायाव हरनि समाव अख्रांनिफ्राय सारअन्थाय



गोग्लैनायखौ नुनो मोन्दीं। सावगारिखौ शोयार खालामनानै डमिनिक आ के प्सनआव बुंदोंदि, भारतआव हरनि समाव सारअन्थाय गावो। बास्ट मडखौ बाहायनानै बे सारअन्थायखौ सेबखांनय जादों। गोजोन्थावदि, बे समाव सारअन्थायखौ प्रेमनि गेजेराव केप्सर खालामनो हनाय जादों। बेखौ रूप खालामनायनि गोनांथि जायाखै। सावगारिआव नुनो

मोन्दींदि, भारतनि बांसिन बाहागोआवनो खोमसि जानानै दड। बे समावनो अख्रांनिफ्राय नीला गावनि सारअन्थाय गोग्लैयो। सावगारिआव माखासे जौंखलाबनाय डटस एबा बिन्दीफोरखौबो नुनो मोन्दीं। नासानि अख्रांमा दावबायारिआ शोयार खालामनाय बे पस्टनि सायाव गोबां इउजारफोरा कमेन्ट खालामदों। बांसिन इउजारफोराबो भारतनि बबे

जायगायाव बे सारअन्थाया गोर्लैदों होन्ना सौंथि खालामदों। फार्सेथि गोबां इउजारफोरा डमिनिकनि समायना आरो जर'खा सावगारि सेबखांनयखौ बाखायदों। बे पस्टआ शोयार खालामजानायनि उनाव माखासे समनि गेजेरावनो 10 लाखनि बांसिन लाइक बुधुमनो हादों आरो गोबां भाइरेल जादों।

बाजारआव सिमेन्टजौं बानायनाय साम्ब्राम गुफुर नुनो मोन्दीं



अकला, 19 आगस्ट: आथिंखालाव ससेल मिडियाआव नंखाय फिसा बाश्राफोराबो भाइरेल जानानै गिदिद जायो। बेबादिनो आथिंखालाव सिमेन्टजौं बानायनाय नंखाय साम्ब्राम गुफुरनि भिन्डिआ भाइरेल जागिसिनो दड। बे भिन्डिआ

महारास्ट्रनि अकला जिल्लानि होन्ना ससेल खौराडाव मिथिनो मोन्दीं। साम्ब्राम गुफुरआ जादों जौंनि बयनिबो ओंखाम संग्रायाव बाहायजानाय जानायाव बाहायग्रा गोनांथाव मसलाफोरनि गेजेराव मोनसे। फार्सेथि बेनि बेसेनआ बाजारआ अखां नहिंनो हमदों। बेनि गेजेरजौं माखासे

मैगं फानग्राफोरा बेनि मुलाम्फा लानानै सुबुंफोरखौ थगायगासिनो दड। जेब्ला अकलानि बाजरिया नगरआव थाप्रा आजिरा मोन्नाय पुलिस बिबानगिरि सुभाष पाटिलनि बिबिसा सासे थेलाजौं दैबायग्रा मैगं फानग्रानिफ्राय साम्ब्राम गुफुर बायनानै लाखियो अब्लासो नंखाय साम्ब्राम

गुफुरनि बाश्राया सोरडव फेयो। जेब्ला आइजोआ न'आव लाबोनानै साम्ब्राम गुफुरखौ बिगुर जिर्दोंमोन अब्ला बेनि बिगुरआ जिर्जायाखेमोन। बेनि अनगाथैबो साम्ब्राम गुफुरखौ दाबाजौं हाखानायनि उनावबो बेयो मोनसे मोनसे गुगायाखेमोन। बेनिफ्राय आइजोआ गावनि थगायजानायखौ मिथिनो हायो आरो मोजडे नयनानै साम्ब्राम गुफुरआ सिमेन्टजौं बानायनाय होन्ना हमदोंनो हायो। गुबै साम्ब्राम गुफुर बादि नुनायनि थाखाय बे सिमेन्टजौं बानायनाय साम्ब्राम गुफुरखौबो गुफुर गाव फुन्नानै नुंभैबादि खालामदोंमोन। बेबादिनो माखासे मैगं फालांगिरिफोरा सरासन्हा सुबुंफोरखौ थगायनाय आरो सुबुंफोरनि सावसिजौं गेलेनाय आयदाया सोरडव फेदों।

रंजालि गथ'फोरनि सौरा

मोनाबिलिनि सेर सेर

आं थाबायलाडे सान सिखलाजौं लोगोसे नौंनि थं नागिरै नागिरै, देंखो जानानै रिंखाफैनाय खबामगोनां सोदोबफोरनि देंखोखौ खोनासंनो, दरसि लांगोनानिफ्राय वै मोनाबिलिनि गुवार बिखासिम। मैना खबारिनि गुस्थि जारौ बायदि वै निरिबिलि समनि मोनाबिलिया बेसे समायना। फोलो फालो दावसिनफोरा बासाफारसे बिरलादों अनज्जानायनि रोजा रोजा मिजिजौं। नुनानै आंहादि गोरबोफोरा थेर-बेथेर जानो नागिरै, अब्ला गोसो खांफिनो आं मोनाबिलिनि फारसे मोखां फिदिना नौंनि सावगारिफोरा आगर एरखांफेयो आंनि गोरबोयाव आरो रावफोरा देंखो जानानै उंसिफावो।

लक्ष्मी बर', (अदालगुरि)

दाबो नुहुरो

आं दाबो हुरा हुरा नुहुरो मबेबा मोनसे आन्दो नोजोरजौं अखोरां सानि हाथखिं सेरेब गेजेर गेजेर नौं गावनि मुस्त्रि दोनखोमानानै लासैनो आनज्रायलानाय।

फेयाखेबो नौं गोबावसे नै बे फुरियाव जोमैनि गुबुंले मायाफुरि राज खालामनाय देवलिया गोरबोआ नौंखौ जायगा होनो हायाखिसै।

अखानि थरथिं सेरेबाव गोरबोनि दाहा दिखार फोजावबायना खोरोमदावनाय जोमै गावखानाय सोदोबनि बिखायाव बेसेबादि अफसरा रोसोनद्विखाडेसैल फारनै आखायजौं हायनारि मुद्रा एरखांबायना रुफालि फेसालि उंसिफावनाय मोसागलाडे।

दाबोथ हुरा हुरा नुहुरो आं।

हेमन्त ब्रह्म, (सनितपुर)

गोसोखाडे ना ?

आय' जिउनि लोगोरि --

मालाबा देरा गेगेरेबनिफ्राय हरखाव जानगार लानाय जायोबोला दाहाजौं हांमा सुरहाबनाय वै नख'रनि सुबुं फोरखौ नोडे गोसोखाडे ना ?

सिथलायाव सेफालि बिबार बारगोन हांमा हांसा आरो दुखुखौ लानानै बारि ख'नायाव बारगोन बारसिखो बिबार बैसागुनि रादाव लानानै अब्ला गोसोखांगोन ना वै बुब्लिआव ?

आंखौ नागारना दाथां गोजानाव लोगोरि -- थानो गियो हारसिडे, गोबोआ नायगिरौ नौंखौनो गावखौनो गाव नागार लायना हागोन ना थानो हारसिडे ?

पबित्र ब्रत दैमारी (गलाघाट)

समाव हगारगासिनो जिलिद

सला सिगुनफोर बायदि साबथिना बोल्लिनि फेसालियाव खाबु लायै लायै समाव हगारगासिनो जिलिद

गुबुननि सिंयाव जेब्लासिम थाबाय थगोन अब्लासिम बिसोर बेबायदि इनाय अनागार खालामबाय थगोन।

सबिराम बर' रावां, बागसा

नाया हारि धोरोम गैया

-तरेन बर'

नौंहा मोनबो हारि धोरोम गैया समान नोजोर होयो बयखौबो बिलाट लाथायाबो सानसे जोबसांगोन नौं खालि थैनो रोडेगोजोर; हे थैनाय ! रावनिबो नौं सिडाव नड गोहो गैया, हेंथा होनो खामानियाव नौंखौ थेवब्लाबो मोनसेल' फिसा खावलायनाय नौंनि समायखिराखौ रैखा खालाम, माखासे हाबा मावनायाव आरो राइजोनो बुनो गोरबोनि माखासे खोथा गोबानि रावबो खोनाफेरै दुखुनि सल', जाइ समाजा आंखौ खांबाय फोरोंबाय सुख'नो वै समाजनि दाहारखौ दाबो सोलाव दं आंहा। अखा बोथोराव हाथासि महर सुख दुखु आफोत खैफोताव थाबाय नौं आंनि मोदोमाव आरो इसेल' सान नेनानै थादो हे आंगो लोगो आंनि, बिनि उनाव थुंगि हैबाय लानो हासिगोन गुबुन मुलुगाव .. !!

मोदोम गिलिर आइजो

गुबै : दिपक ज्यति बरुवा दानस्लायग्रा - अनिल कुमार ब्रह्म

दैसायाव लाथा खानानै आंखार बोनाय सानबादि गोजौं मोखाडव नायनानै माबा मोनसे सानना लाजायो लाजिस्तु लाजिस्तु मिनिनाय मानिबा बिखोमा खाफालनि गोजा फोथायाबो मोदान खाडे गोबोआव जिउनां मोदोम थुखासे थानायखौ साननानै। मुलुगखौ गावनि खालामनानै लानो हाबिलासै सोमखोर देमलो सिमां मोनसे सोमजि खाडे जेरबानि जिन्जियाव खाथाम जानाय अलमायनाय जौंखोल सिमां समनि आसियाव हमनानै नक्षत्र दानायनो बे मोनसे गोखौं मिजिं। सिं-स हराव बुहुमा अन्दुस्त्रि जोबब्लाबो सिरि मोनानै लाखियो थुला बाइदि गुबै लेहेम दानायनि सुखु मोन्दांथिया जेनेबा खलं-खलं दैसा रगुनि दावनाय-ना फिथिखि। नुनायनिफ्राय खोनायार्थसिम ना ना मुनिनि ना ना मताबो दोरोद होनो हायैबादि गोखौं बे जुगाव मोनफा मोनफा हन्था दोन्धुमनानै साजायनाय अननायनि लैथो गोबां आबदार बिखानि दुलौं-दुलौंब गोबां मावखानाय लानानै उदै गाहायाव आखाय बिलिरना जिउसाखौ जोखलोबो आथिखालावदि, बृहमान्दवानी दं बेवहानो !

आं दाबो

िब गोयै मिजिंआव थाखोमाना गोसोम जोमैनि आन्दोआव थाबाय -थाबाय मँगिलनाय सोलेरा नौं थायोब्ला जिउआव गोजोन जागोन। हरनि निनफोरा आद्रा जायोब्लाबो सोरसिनि हा फिसा हाँवा दाव गाबनायाव गोरबोआ आंनि दिखार नांओब्लाबो नौं सेराव थायोब्लानो आंनि जिउ आरो हांआ थाजिम जागोन। दैमानि दैआ दाहार जाना आंखौ बुखारनो नाजायोब्लाबो मेगनिन गनाय थरथिफोरखौ आरो बिखानि खामनाय हांगारखौ नौंखो लोगोआव मोनब्लानो आं हुखोमोरगोन, जाहोना आं गासैखौबो नागारनानै नौंनि थाखाय गोजोन नागिरगोन ! दिने थाबोनाय बबेबा सायख्लुमनि दानदिसे गोजोमना सानैजौं रायज्जलायनाय मोनसे बुब्लिखौ लाना गोसोखां-गोसोखां गोजोननाय मोनो अब्लाबो दा जौं वै सायख्लुमाव दानदिसे जिउखौ गोजोन होनोबो जौंहा दा सम गैया जाबाय। नाथाय दाबो बे बायदिनो दं जेराव जौं गोजोन आरो गोथार सुदेम थावनिमोन जौंनि ! बेखौनो गोरबोआ दाबो हास्थायो सानसे नौंखौ लाना गोबां बाश्रा रायज्जलायनो आरो नौंनि मेगनाव नायना फारनै गुस्थिखौ खेवनो नाथाय माब्ला आरो माब्ला..... बुनो आंहा दासिमबो समखौ मिथिया !

अन्जालि सरगियारी, (बाक्सा)

(1 बिलाड़िनफ्राय)

सनापुरनि सरकारि अल्ड एज हमआव आधार कार्ड, रेशन कार्ड, आयुष्मान कार्ड आरु अरुनदय बिथांखिनि कार्ड गथायदों

रखि खानाना बिदा-फंबायफोर मोनफ्रोमबो खैफोदनि समाव बिब'-बिनानावखौ रैखाथि होनो समायखिर लायो। थागिरिफोरनो आधार कार्ड होनायखौ फोरमायथिनानै गिबि मन्थ्रिआ बुडोदि, बे कार्डआ सासे सुबुनि मोनसे रोखोमनि सिनायथि। बे कार्ड गैथैनि जाउनाव बेंकनि एकाउन्टजों लोगोसे गुबुन गुबुन खामानि मावफुनायाव जेना नुजाथिनो हायो। बेनि थाखाय राइज्योन गुबुन गुबुन जायगानि अल्ड एज हमआव थानाय जायफोर थागिरिफोर आधार कार्ड गैया बिसोरनि खाबुनि थाखाय राइज्यो सरकार आधार कार्डनि रहा लादों होना फोरमायनानै गिबि मन्थ्रिआ बुडोदि, अल्ड एज हमनि थागिरिफोरनि थाखाय राइज्यो सरकार रेशन कार्ड होनायनिबो रहा लादों। बेनि जाउनाव दानिफ्रायनो बे बायदि थागिरिफोर दानफ्रोमबो 5 के:जि:सिम बेसेन नाडै माइरं मोनो हागोन। आयुष्मान भारत आरो आयुष्मान आसाम कार्डखौ अल्ड एज हमनि थागिरिफोरनो होनायनि बाश्रा फोरमायनानै बिथाङ बुडोदि, बे कार्डखौ मोनो होनायनि जाउनाव थागिरिफोर सरकारि देहा फाहामसालियाव बोसोर 5 लाख रंसिम बेसेन होनाइ लासेनो फाहामथायनि खाबु मोनो हागोन। बिथाङ बुबावोदि, अरुनदय बिथांखिनि कार्ड होनायनि जाउनाव दानिफ्रायनो थागिरिफोर बेंक काउन्टआव दानफ्रोमबो 1,250 राडे ज'मा जागोन। दानफ्रोमो 10 अक्ट'खालि बे रंखौ ज'मा होनाय जागोन। सनापुर देहा फाहामसालियाव जाहाते बिसोर थागिरिफोर देहा आन्जाद खालामनो हायो बेनि थाखाय राइज्यो सरकार रहा लागोन होनायनि गिबि मन्थ्रिआ बुडे। दिनेनि बे हाबाफारियाव दै फुंखा बिफाननि मन्थ्रि पियुष हाजरिका, एमएलए अतुल बर आरो समाजारि न्याय आरो गोहो होनाय बिफाननि कमिसनार सेक्रेटारि बिरेन्द्र मिताल, जिल्ला बेंगिरि सुमित सत्ताबनजों लोगोसे माखासे गेदेमा सुबुंफोर बाहागो लायो। गुबुन फार्सिथ, दिसपुरआव थानाय मन्थ्रि थाग्रा न'नि लांगोनायाव दिने गोखार रक्षा बन्धनजों लोब्बा लाखिनानै खुनाय मोनसे हाबाफारियाव समाजारि बिथिजों लोब्बा थानाय गुबुन गुबुन आफाद-फसंथान आरो बिब'-बिनानावफोर गिबि मन्थ्रिआ रखि खायो। बेनि लोब्बाजों नख'र लुफुंनय आरो नोगोर जौगाखां बिफाननि मन्थ्रि अशक सिंहाल, दै फुंखा बायदिनि मन्थ्रि पियुष हाजरिका मोनहा बाहागो लायो।

बिटिआर रादायनि 6.3 दफा मावफुनायनि दाबिआव भेन्सार सोलौंथाय फसंथानफोरारव खामानिफ्राय जानगासव थादों

फसंथानफोरखौ जेबो सर्थ गैयाजासे सरकारि खालामनायनि दाबि क-अर्डिनेसन कमिटिआ थानाय 16 आगस्टनिफ्राय फोसावना होनाय सानबा नाडै खामानि मावनायनिफ्राय थाद'नायआ दिनें ब्रैथि सानावबो फोरेंगिरि मावसुमाफोर जारगासव थानानै सरकारनि नेवसिन्या, थगायनाय आरो बिजिरथाय होयैनि हेंथायै दिनें ब्रैथि सानाव गसाइगाव हमुकुमानि सालबागान कमासं सेनियर सेकेन्डारि, रबि हाजि, बिदा भिकाश, थ्रिगमपुर सेनियर सेकेन्डारि, कचुगाव एनएन ब्रह्म सेनियर सेकेन्डारिनि अनगायैबो महकुमानि गुदि आरो गोजौ गुदि आरो गोजौ फरायसालि सोलौंथाय फसंथानफोरारव फोरेंगिरि मावसुमाफोर फरा-फार फोरेंथाय होनायनिफ्राय जानगासव थानानै सरकारनि हेंथायै सुबुं सोमावसारनाय हाबाफारि खुडे।

बेबायदिनो कक्राझार जिल्लानि सालाकाटि आरो चिरं जिल्लानि बासुगाव, बेंतल सेनियर सेकेन्डारि स्कुलआवबो खामानि मावनायनिफ्राय जानगासव थायो। फोरेंगिरि-मावसुमाफोर फोरमायनाय बायदि सोलौंथायारि बिथिङव गोलैसोनानै थानाय बिटिआर ओन्सोलनि गंफ्रोमबो भेन्सार सोलौंथाय फसंथानफोरखौ सरकारि खालामनो जख्खायै बिटिआर गोजोन रादायाव 6.3 दफा सोफादेरनाय जादोंब्लाबो ब्रै बोसोर बांसिम सम बारलानायनि उनावबो रादायनि गोनांथार दफाखौ सरकारआ मावफुङखै। थानाय 2020 माइथायाव मुंसायनाय गोजोन रादायाव मख'नाय जख्खा दफाखौ द' दाननि गेजेरवनो जाफुंसारै मावफुनाय जागोन होना गुबुन गुबुन समाव बाश्रा होनाय जादों। बे बादिथावनो बिटिआरनि थागिरि राइजो-राजाफोरनि अनगायै भेन्सार सोलौंथाय फसंथाननि फोरेंगिरि-मावसुमाफोरबो बाश्रा होनायखौ गोजोन्दोंमोन। नाथाय द' दानआ गोजाननि बाश्रा, ब्रै खावसे बोसोर बारलानायनि उनावबो गुदि फरायसालिनिफ्राय जागायजेनानै सेनियर सेकेन्डारिसिम थानाय जायखि जाया गंसे फरायसालिखौ सरकारि खालामनायनि जेबो थांखि लायाखै। बेबादिनो भेन्सार सोलौंथाय फसंथानआ मावला सरकारि खालामजागोन। बे बिथिङव राइज्यो सरकार आरो बिटिआर गौथुमारि सरकारआ गोजोनथाव फिन्नाय होयाखै। गुवैयै गले गले थांखि लानायनि बाश्राजों बांसवबोबाय थागासिनो दड। बे बिथिङव दुखुजों मोगा-मोगि जानाय भेन्सार सोलौंथाय फसंथानआव फोरेंगिरि मावसुमाफोर गौथौवै दुखु फोरमायनानै खौरगिरिनि सिगाडाव बुंदोदि, महकुमानि सदर सहरजों लोगोसे बिटिआरनि गुबुन गुबुन जिल्लायाव गायसंजानाय भेन्सार सोलौंथाय फसंथानआव थानाय 25 निफ्राय 28/30 बोसोर नाडै फोरेंगिरि आरो मावसुमाफोर खामानि मावगासिनो दड। गोबाव समनाडै जेबो दानबान्था गैयाजासे फोरेंगिरि हाबा मानानै रंखाथिथायारि थासारिया गाज्रि जादों। बेबादिनो नख'रखौ खानाय, फिसाफोरखौ नांगौबादि सोलौंथायजों रंगौथि गोनां खालामनो हायाखै। बांसिनानो आजिर मोनानयनि सम सौफैबाय आरो गोबाडनो बेरामजों मोगा-मोगि जानानै रंसारि जानो नागिरानायनि उनावबो भेन्सार सोलौंथाय फरायसालिखौ सरकारआ थांखि लायैआव गोसो गैयाब्लाबो खामानि मावनायनिफ्राय जानगासव थानायनि थांखि लानो गोनां जादों होना गुबुन गुबुन फसंथाननि फोरेंगिरि-मावसुमाफोर सरकारनि हेंथायै खुद्रिखानाय फोरमायदों। बेनि उनावबो क-अर्डिनेसन कमिटिनि सानबानाडै खामानि मावनायनिफ्राय जानगासव थानायनि उनावबो जेवला सरकारआ बेनि सोमोन्दै गावसोरनि रेखा थासारिखौ फोरमायथियावला फैगो 22 आगस्ट अक्टखालि गुवाहाटीनि ससलआव 4 घन्टा नाडै हेंथा सोमवसारनाय हाबाफारि खुंगोन। बेबादिनो बेनि उनावबो जेवला मिरु आरो राइज्यो सरकारआ बिटिआर रादायनि 6.3 न'दफाखौ जाफुंसार होआवला फोरेंगिरि मावसुमा क-अर्डिनेसन कमिटिआ लामायाव ओंखारखोनानै सोमावसारनो जागायजेनगोन। भेन्सार फरायसालिनि फोरेंगिरि-मावसुमाफोरनि सोमावसारनायाव जायखि जाया गोजोन गैयै थासारि सोमजियोब्ला बेनि थाखाय सरकारआ बेनि बिबानखौ लानांगोन होनानैबो फोरेंगिरि-मावसुमा आफादआ हुमखि होयो।

बासुगावआव बायनाय गेग्रेबनाय मुवा-बेसाद बायग्रा फालांगिरि जानानै फैनाय सानै सिखाव हमदों

सिखाव खावनाय जाथाय सोमजिहोदों। मिथिनो मोन्याय बादिब्ला बेलासि समाव बायनाय-गेग्रेबनाय मुवा-बेसाद बायग्रा सानै सिनाय मोनै सुबुङ इ-रिक्सा सानानै नख'राव हाबफैयो। न'याव रावबो गैथैनि खाबु लानानै न'नि खामसालियाव दोन्याय इ-रिक्सानि बेटारिखौ दिहुनबाय थानाय समावनो न' बिगोमाजों हमजायो। नाथाय सिखाव सानैया बिगोमानि आखाइनिफ्राय बारग'नानै खारलानाय समाव न' बिगोमाया होसिखावना होनायाव न'मुसे नख'रनि सुबुंफोर सानै सिखावखौ होसो-होसो हयो। बेनि उनाव जाथायनि बागै खौरं हस्याय लोगो-लोगोनो बासुगाव पुलिसआ जाथायथिलियाव नुजाथिहैनानै सानै सिखावखौ खायो आरो थानासिम लाना थाडे। बायनाय-गेग्रेबनाय मुवा-बेसाद बायग्रा फालांगिरि महरनि सानै सिखावखौ धुबुरि जिल्लानि कुन्तिन चरनि मनु मन्दलनि फिसाज्ला आरिफ आलि (27) आरो खोला सालमारा जिल्लानि सानमनि चरनि आब्दुल आजिजनि फिसाज्ला आनवार हुसेइ (32) होनानै सिनायथिदों। पुलिसआ सानै सिखावनिफ्राय गंसे इ-रिक्सा आरो माखासे मुवा-बेसादफोरखौ हयो। ओन्सोलनि राइजो-राजाफोर अजद दैखानाय बायदिब्ला, भुटियापारनि सिडिमरि दालानि खाथियाव धुबुरि जिल्लानिफ्राय सासे सुबुहा फैनानै बायनाय-गेग्रेबनाय प्लास्टिक-लहानि मुवा-बेसादनि गुदाम गायसन्तानै धुबुरि जिल्लानिफ्राय माखासे सन्देह गोनां सुबुंफोरखौ लाबोनानै बिसोरनि गेजेरजों बासुगाव सहरजों लोगोसे खाथि-खाला ओन्सोलाव बायनाय-गेग्रेबनाय मुवा-बेसाद बायग्रा फालांगिरि महरै थिसनबोदों। दिनें हमजानाय सानै सिखावफोर बे गुदामावनो खामानि मावो होनानै राइजो-राजाफोर अजद दैखदों। बे बायदि सिखाव खावनाय जाथाया जाहाते फिन सोमजिफिना बेनि थाखाय नांगो बायदिथै रहा लानो ओन्सोलनि राइजो-राजाफोर पुलिसनिफिसिमा खावलायहरदों।

रिप्लेसमेन गेलेगिरि महरै दिप्टि शर्माआ हान्जायाव खाबु मोन्दों

गोदान दिल्ली, 19 आगस्ट: अमेन्स 2024 आव लन्डन भारतीय आइजो हान्जानि स्टार स्पीरिट हान्जानि बाहागोआव गेलेगिरि दिप्टि शर्माआ ओंखारदोंमोन। दिप्टिआ लन्डन इलेन्डआव गेलेनाय दा-100 स्पिरिटनि हान्जायाव रिप्लेसमेन्ट

महम्मद सामीआ फोथारआव ओंखारनो जान्जि खाफ्रादों



गोदान दिल्ली, 19 आगस्ट: भारतीय क्रिकेट हान्जानि स्टार बलार महम्मद सामीआ गोलाव समनिफ्रायनो हान्जानिफ्राय जानगासव दंबोयो। बिथाङ हान्थुयाव जोखोमनि थाखाय सार्जारि खालामजानायनि उनाव रिहाबआव समखौ बारहोबोदों। गोलाव समनिफ्रायनो अन्सायगिरिफोर बिथांखौ फोथारआव नुनो मोनफिनगोनखौ मिर्जिथि लानानै दड। सामीआ जोबथा खेब 2023 नि वन्डे वर्ल्ड कापआव अस्ट्रेलियानि हेंथायै गेलेनाय फाइनालआव ओंखारदोंमोन। सोलिफु समाव बिथांनि अन्सायगिरिफोरनि थाखाय मोनसे मोजों खौराङ सोराङव फैदों। सामीआ रन्जि टुफोआव गावनि नख'रि हान्जा बेंगलनि थाखाय फोथारआव ओंखारनो हागौ। बेनि उनाव निजिलेन्डनि हेंथायै खेबसे टेस्ट मेचआव भारतनि हान्जाजों गेलेनो हागौ। स्वामीआ फैगो 11 अक्टबरखालि इरिपनि हेंथायै बेंगलनि गेलेजेनाय रन्जि टुफोनि मेचआव बाहागो जाखाङेवला 18 अक्टबरखालि बिहारनि हेंथायै कलकाटायाव गेलेगोन। सोलिफु समाव बे खेबनैबो मेचआव सामीखौ बाहागो जागोनखौ मिर्जिथिदों। निजिलेन्ड टेस्ट सिरिजआ 19 अक्टबरनिफ्राय बेंगालुरुआव जागायनायनि उनाव 24 अक्टबरआव पुने आरो गिबि नभम्बर दानआव मुम्बाइआव टेस्टआ जागोन। सोलिफु बोसोरनि फेब्रुवारी दानआव इनाइटेड किङडमआव हान्थुखौ सार्जारि खालामजानायनि उनाव डाक्टरनि सुबुरुन बादिथै गेलेनायनिफ्राय जानगासव थाबोदों। फ्राय 11 दाननि उनाव बिथाङ क्रिकेटनि गोथारआव ओंखारनो जान्जि खाफ्रादों। बेनि थाखाय बिथांनि थियारि जानाय मोनसे भिडिअबो भाइरल जागासिनो दड।

(1 बिलाड़िनफ्राय)

एससि हारिनि हारियारि फोरमान लाइ होनायाव सरकार गोखौ जागोन: पियुष हाजरिका

आगस्टखालि मोनसे गोनांथार सावराय मेल खुंफुंजायो। बिफानआरि मन्थ्रि पियुष हाजरिकानि मावखुलिनि सावराय न'ब्लाङव बे गोनांथार मेलखौ खुंनय जायो। दुलाराइ आसाम एस सि हारि आफादनि आफादगिरि आरो देरगाव बियाबनि एमएलए भवेन्द्र नाथ भरालि, आफादनि मावफुं आफादगिरि बानेस्वर दास, गाहाइ नेहाथारि दिपांकर हाजरिका, लोगो गाहाइ नेहाथारि निजंय दास, डखुवाखाना जिल्ला आफादनि आफादगिरि ललित कुमार दास, दिपा हाजरिका, सना मेधिजों लोगोसे गासौ दर 17 जिल्लानि थान्दै हान्जाया बिफानआरि मन्थ्रि पियुष हाजरिकाखौ लोगो हमनानै बे जेनानि सोमोन्दै गुवैरै सावरायलायो। मन्थ्रि हाजरिकाआ गुबुन गुबुन जिल्ला आफादनिफ्राय दैखानाय बे अजदनि सोमोन्दै मिथिनानै बे बायदि आयेन बेरेखा हाबाखौ खान्थि गोनां बिथोनमानि गेजेरजों होबथानो खोथा होयो। जथुमाव आफादनि थान्दैफोरखौ मन्थ्रि हाजरिकाआ लोब्बा गोनां जिल्ला खुंथाया एस सि हारि आफादनिफ्राय फोरमान लाइ दैथाय हरनारनि उनावसो हारियारि फोरमान लाइ होनायनि रहा लागोन होनानै खोथा होयो। बे सावराय जथुमाव समाजआरि न्याय आरो गोहो होनाय बिफाननि कमिसनार सेक्रेटारि बिरेन्द्र मिताल, अससि हारि आरो गुबुन गोलैसोनय थाखोनि अन्साइ बिथोनगिरि मावखुलिनि बिथोनगिरिआबो बाहागो लायो।

इरिपिपिएल दोलोनि क'र कमिटिनि गोनांथार मेल जथुमदों

थांखि लायो। बे सावराय जथुमाव बिटिसिआव गोजोन थासारिखौ जुगामियै लाखिलानो खामानि मावनायनि थांखि लानायजों लोगोसे बिटिआर गोरोबथानि मावफुं जायै दफाफोरखौ मावफुंनो भारत सरकारखौ खावलायहरसो थांखि लानाय जायो। गुबुन फार्सिथ, इरिपिपिएलआ एनडिएनि हेफाजाबगिरि दोलो जानायनि थाखाय आसाम थाखोनि एनडिएनि सावराय जथुम खुंनो थाखाय खावलायनायनि थांखि लानाय जायो। बे जथुमाव उफ्रा बिसायख'थिखौ लानानैबो सावरायनाय जायो। बिसायख'थि आयाग आ जेवला बिसायख'थिनि सान फोसावगोन अब्ला सिदली बिधान सभा बियाबनि थाखाय इरिपिपिएल दोलोया बिजाथिनि मुं फोसावनो थांखि लानाय जायो। लोगोसे 2025 माइथायाव खुंनो गोनां बिटिसि बिसायख'थिखौ लानानै जेबो रोखोमनि सावरायनाय जायाखै होनानै राजु नार्जरीआ फोरमायो। गुबुन फार्सिथ, बे सावराय जथुमनि सोमोन्दै बिटिसिनि गाहाइ मावफुं सोद्रोमा प्रमद बर'आ बुडोदि, बे जथुमाव दोलोनि खामानि मावनाय, बिटिआरआव गोजोन थासारिखौ लाखिलानाय आरो सरकारि बिथांखिफोरखौ थि महरै मावफुंनयखौ नायबिजिरनानै इरिपिपिएल दोलोया मोनसेबो राजखांथि हान्जाजों गाज्रि जानायनि खामानि मावनायनिफ्राय जानगासव थानो थांखि लायो। मख'नो गोनांदि, मैया हराव खुंनय क'र कमिटिनि बे सावराय जथुमाव कक्राझारनि एमपि जयन्त बसुमतिरि, राइज्यो सभानि एमपि रोनागोर नार्जरी, बिटिसिनि लेङइ गाहाइ मावफुं सोद्रोमा गविन्द बसुमतिरि, एमएलए लरेन्स इस्लारी, बुथिगिरि कातिराम बर'जों लोगोसे क'र कमिटिनि सोद्रोमाफोर बाहागो लायो।

महरै स्क्वाडआव खाबु मोन्दोंमोन। बिथाङ जोखोम जानाय ग्रेस हेरिसनि जायगायाव दिन्थिफुंनो खाबु मोन्दोंमोन। बे खाबुखौ मोजाडै दिन्थिफुंनानै बिथाङ हान्जानि देरहानायाव ज'र'खा बिहोमा होनो हादों। फाइनाल बादायनायाव लन्डन स्पिरिटनि हान्जाया वेल्स फायरनि हेंथायै खेबथाम बलआव देरहानायनि थाखाय 4 राननि गोनांथि जानायाव दिप्टिआ 6 रान लानानै हान्जाखौ देरहाहोदोंमोन।



बिथाङ बे सिजनआव गेलेनाय खेब 8 मेचनि गेजेरव खेब 6 मेचआव दिन्थिफुंनो खाबु मोन्दों। जायनि फारिआव बिथाङ खेब

(1 बिलाड़िनफ्राय)

जौनि थांखिआ दरसे सुखु-गोजोननि बिटिसि सोरजिनाय: प्रमद बर'

मानोना बिसोरो दुलाराय भारतआरि दोलो, बेनि थाखायनो सोर मा बिबुथि होदों बेवहाय जौहा गोनांथि होनांगोनि जेबो गैया। थानाय समाव राइजो-राजाफोर जोबोद दुखु-खरटजों भुगिनादों, बेनि थाखायनो जौनि दोलोनि फार्सि सासे सोद्रोमाया मोनसे थांखियाव सौहैदेंदि, राइज्योफोरनि खहा गोनां खामानिखौ जों मावा। जायनि गेजेरजों मोजों जागोन, राइजो-राजाफोर मुलाम्फा मोनगोन। बे थांखिखौ लानानैसो जोडे जायखि जाया राजखांथि दोलो एबा माबा खामानि मावगोन होना बिथाङ फोरमायना होदों। गुबुन फार्सि राजखांथिआव नों-आं थायो, बेनि थाखायनो बेफोर आयदाखौ लानानै जेवला जौहा सानबायथायोब्ला गुबुं थांखिआ सुफुंजानाय नडा। -बेबादि बिबुथिखौ इरिपिपिएल दोलोनि आफादगिरि आरो बिटिसिनि गाहाइ मावफुं सोद्रोमा प्रमद बर'आ होदों। मख'नो गोनांदि, दिनें कक्राझारआव खौरं बिजौनि सिगाडाव बिथाङ मख'दोदि, मोनसे समाव जों मिनिनो बावगासदोंमोन। गोजोन थासारिआ जेबो गैयामोन। नाथाय आथिखालाव बेफोर सानआ गैलिया बेनि थाखायनो सोरबा सासे सानैआ मावेबा बिथिङव बेले-बेजे खालामदों बेयाव गोनांथि होनानै मुलाम्फा गैया। बिटिसिनि गाहाइ मावफुं सोद्रोमा प्रमद बर'आ मख'बावदोदि, जौनो गासै बिथिङव समाइना दरसे बिटिसि नांगौ, जेराव हारि-थोरम जायखि जाया दावराव-दावसि थानाय नडा होना रोखा खालामना होयो।

कलकातानि जिनाहारि खालामनानै बुथारनाय जाथायनि हेंथायै आदिबासि फरायसा आफादआ गोखौ सोमावसारदों

माहारियारि हाग्रामानि बासबारि रेन्जरनि गाहाइ हाबरा लामायाव आदिबासि फरायसा आफादनि गोबां बिबानगिरि-मावथि आरो राइजो-राजाफोर ज' जानानै मौमिता देवनाथनि सावगासियाव राइजोआरि महरै मान बाउनायजों लोगोसे बे बुथारनाय जाथायनि हेंथायै सोमावसारगिरिफोर आखाइ आखाइ म'म बाथि लानानै बायदि रोखोमनि स्ल'गानजों गोखौ सोमावसारो। सोमावसारगिरिफोर मौमिता देवनाथ बुथारनाय जाथायनि दायनिगिरिफोरखौ फासि होनांगोनि गोखौ दाबि दैखाडे। दुलाराइ आदिबासि फरायसा आफादनि रंखांथि नेहाथारि रन्जित अरंआ बुडोदि, मौमिता देवनाथ बुथारनायनि जाथायनि दायनिगिरिफोरनि सासेबो जाहाते बारस' लांनो हाया आरो गासैबो दायनिगिरिफोरखौ फासि होनांगो होनानै दाबि दैखाडे। लोगोसे समाजव बे बायदि मुगैथाव जाथाया जाहाते इयुनाव फिन सोमजिफिनो हाया बेनि थाखाय बयखौबो सांघां जानो थाखाय खुवलायहरो रन्जित अरंआ। मोनाबिलिनि 7 रिगानिफ्राय 8 रिगासिम आदिबासि फरायसा आफाद बे सोमावसारनाय हाबाफारिखौ खुडे।

जारिमिनारि खदैगुरिनि बंशीगपाल महाप्रभुनि नामघरआव गोथार भाद्र दाननि नाम किर्तन जागायजेनबाय

सामलायनायाव गोथार भाद्र दाननि सेथि सानखालि नामघरनि लांगोनायाव आसारखान्थि बायदि नेमखान्थिजों हरिनाम किर्तन सिबिथायजों दानसेनाडै नामकिर्तन हाबाफारिआ बेखेवजायो। बेखेवनाय हाबाफारियाव खदैगुरि गामि दाफुंरा आफादनि आफादगिरि प्राणेश्वर तालुकदारआ आध्यात्मिकजों लोब्बा गोनां बिबुथि लाखिनायजों लोगोसे आलारि बाति फोजोडे नामघरनि देवरी गनेश दासआ। जागायजेननाय सानाव खदैगुरिनि भकतफोजों लोगोसे राइजो-राजाफोर नामघरआव नामकिर्तन खालामनानै सिबिथाय बाउयो। मख'नो गोनांदि, भाद्र दानआव सानफ्रोमबो-हराव भकत-आइजोफोर नामकिर्तन बाउगोन होना नामघरनि भकतफोर मिबथिहोदों। फार्सिथि भवानिपुर बियाबनि जारिमिनारि कलबारिनि श्री श्री रामतरण ठाकुरआटा सत्र, कुरबाहा सत्र, गेदेर भवानिपुर, सरुपेट, सालबारि ओन्सोलनि गुबुन गुबुन नामघर, किर्तन न', सत्र बायदिफोराव रबिबासखालि मोनाबिलिफ्राय गोथार भाद्र दाननि दानसेनाडै नामकिर्तन हाबाफारिआ जागायजेनबाय। भवानिपुर सत्रआवबो नामकिर्तन आरो भागबत फरायथिनाय हाबाफारिआ जागायजेनबाय।

बर'थुनलाइ आफादनि बारग आफादगिरि मुंख्लं बिनस्वर ब्रह्मनि 24थि थैनाय बोसोरारि सान फालिदों

बादिथै फुंआव बर'थुनलाइ आफादनि आफादगिरि ७ सुरथ नार्जरीआ बर'थुनलाइ आफादनि फिर्फालाखौ खावसे बिरहोनानै मुंख्लं बिनस्वर ब्रह्मनि 24थि बोसोरारि सान फालिथाय हाबाफारिखौ बेखेवना होयो। बेनि उनावनो सुबुथिनि थान्दै मुंख्लं बिनस्वर ब्रह्मनि मुसुखा आरो मांखरसालियाव मान बाउयो बिटिसिनि गाहाइ मावफुं सोद्रोमा प्रमद बर', आसाम सरकारनि मन्थ्रि उर्खाव गोरा ब्रह्म, एमएलए लरेन्स इस्लारी आरो एबसुनि आफादगिरि दिपेन बर'मोनहा। मख'नो गोनांदि, कक्राझार सहरनि गेजेरजों बोहेलानाय गौरं दैसानि साखाथि चान्दामारियाव थानाय बिनस्वर ब्रह्मनि मांखरसालिखौ गासै बिथिङव समाइना महरै लुनो थाखाय बिटिआर सरकारआ बे बोसोरारि 2 कौटि रं बाहायनानै साजावनो थांखि आजानावा लायो। दिनेनि हाबाफारिनि उनाव खौरं बिजौनि सिगाडाव बिटिसिनि गाहाइ मावफुं सोद्रोमा प्रमद बर'आ मुंख्लं बिनस्वर ब्रह्मनि आदर्शखौ फोथानानै लाखिनो थाखाय बिटिसिनि गं 420 भिसिडिसिआव 'नलेज सेन्टर' (गियाननि मिरु) लुनायनि खामानिया आथिखालाव जागायजेननाय जाबाय होना फोरमायना होयो।

कक्राझारआव कलकातानि फाहामगिरिखौ बुथारनाय दायनिगिरिखौ नांगौबादि साजा होनो दाबि दैखादों

लामा हान्जा सुरनाय हाबाफारि लानानै हेंथा सोमावसारदों। दिनें बेलासियाव कक्राझार सरकारि गोजौसिन गेजेरारि आरो थांखि गोबां फरायसालिनि फोथारनिफ्राय जागायजेनानै थाना रड जानानै गान्धी पार्कसिम थानानै फिन जागायजेननाय जायगायाव लामा हान्जा सुरनाय हाबाफारिखौ फोजोबदों। मख'नो गोनांदि, आसाम सरकारनि बारग' मन्थ्रि प्रमिला रानी ब्रह्मआ बाहागो लाफैनानै लामा हान्जा सुरनायाव आखायाव प्लेकार्ड, बेनार लानानै कलकातानि फाहामगिरिखौ जिनाहारि खालामग्रा एवा दायनिगिरिखौ साजा होनो थाखाय दाबि खालामदों। बेबादि रोखोमनि मुगैथाव आखु जाथायनि थाखाय सोनाब बंगनि गिबि मन्थ्रि ममता बेनाजिआ दायनिगिरि आरो मासि एंगारनांगो होना बारग मन्थ्रि प्रमिला रानी ब्रह्मआ मख'दों। कक्राझार सहरनि सांघां नोगोरारि आरो माखासे आइजो-हौवाफोर हेंथा सोमावसारनाय लामा हान्जा सुरनायाव बाहागो लादों। फार्सिथि, कक्राझार नोगोर आफादनि बान्जायनायाव सहरनि पातरघाटनिफ्राय सिरिथै हेंथा सोमावसारनाय लामा हान्जा सुरनाय हाबाफारिखौ खुंनय जादों। सहरनि जेडि रड जानानै लामा हान्जा सुरनाया गान्धी पार्कआव थुंगेफेदों। कलकातानि आर जि कर मेडिकल कलेजनि फरायसुलि फाहामगिरिखौ खासि-बिसि जिनाहारि खालामनानै बुथारनाय दायनिगिरिखौ फासि होनाय, फरायसुलिनि नख'रनो बिजिरथाय होनांगोनि दाबि दैखादों कक्राझार नोगोर आफादनि बिबानगिरि प्रतिभा रानी ब्रह्मआ।

जया आख्तरआ सलम-जावेदनि सायाव डक्युमेन्ट्रि बानायनो थांखि लानायखौ फोरमायदों

सलम आरो जावेदआ 70-80 थि जौथाइनि औरैबायदि लिरगिरिमोन, जाय मोनसे समाव गावसिनि लिरनायनि गोहोजोंनो इन्डास्ट्रिआव रजा जादोंमोन। बै समाव बिसोरनो फावखुंगुरफोरनिफ्राय बांसिन फिस मोनोमोन। सानैबो बिथांमोनहा इन्डास्ट्रिआव हारसिंडै बै जाफुंसारनायखौ मोनाखै, जायखौ मोनसे हान्जाजों मोन्दों। 1971 माइथायाव सलम-जावेदआ जरा जादोंमोन आरो सानैजों जयै हाथि मेरे साधि, शले, यादों की बारत, जन्जिर, मजबुर, दिवार, त्रिशुल आरो काला पात्थर बायदि मुंदांखा सावथुनफोरखौ बानायदोंमोन। माखासे सान सिगांनो सानैनि डक्युमेन्ट्रि



सिरिज 'एंग्रि यंग मैन' नि ट्रेलारखौ रिलिज खालामनाय जाबाय। बावैसो सिगां जया आख्तरआ मिबथि होदोंदि, बिथाड माबोरै सलम आरो जावेदनि सायाव सिरिज

बानायनो आइदिया फैया। जया आख्तरआ खौरां एजेन्सि पिटिआइजों बाथ्रा सावरायलायनायनि गेजेरजों मिबथिहोदोंदि, सलम आरो जावेदनि सायाव डक्युमेन्ट्रि

सिरिज बानायनो आइदिया फैनाया सलमान खाननि बिफानिफ्रायनो फैदों। बियो बुंदों 'सलम अंकलआ बेन्डस्टेन्डआव वार्क खालामो आरो आंबो बेवहाय थाडो,

बिथांखौ आं जेब्लाबो लोमो मोनो। जों माब्लाबा माब्लाबा जयैनो बेरायो। जुदि बिथाड माब्लाबा बेवहाय जिरायोब्ला आंबो बिथांजों जिरायनानै चिल खालामो। बिथाहा आंनो मिबथि होदोंदि, स्क्रिप्टखौ माबोरै लिरनांगौ आरो आंनि उन्दैनि माखासे सल 'फोरखौ बिथाड फोरमायोमोन, जायखौ आं गोसोआव गैलामोन। सानसेखालि आं सान्दोंमोनदि, जेखौ बिथाड आंनो मिबथिहोदों बेखौ पेपारआव होनोसै नामा सान्दोंमोन। अदेबानि सानसेखालि आं आरो रिमा कागति सानैजों मरिं वाकनि गेजेरजों सलम खाननि साखाथियाव थादोंमोन आरो जों बिथांखौ बुंदोंमोनदि, जों नोंथांनि सल 'खौ डक्युमेन्ट्रि खालामोनो सानो, मा जों खालामोनो हागोन ना? सलम आंकलआ थियारि जादोंमोन, उनाव जों जावेद आख्तरजोंबो सावरायदोंमोन, अब्ला बिथाड बुंदोंदि, जुदि बिथाड थियारिब्ला नोंसोर बानायनो हागोन। बे डक्युमेन्ट्रि सिरिजआ 20 आगस्टआव एमाजन प्राइमआ रिलिज जागोन।

'स्त्रि 2' सावथुना बक्स अफिसआव 'कल्कि 2898 एडि' सावथुननि रेकर्ड सिफायगोनखौ हमदांदों

श्रद्धा कापुर आरो राजकुमार रव स्टारनि स्त्रि 2 सावथुना बे समाव बक्स अफिसआव गावनि जायगा आवग्रिनो हादों। गिबि सानावो 76 कौटि रंजों जागयनाय बे हरर कमेडि सावथुननि आरजिथाइया सानफ्रोमबो बारयगासिनो दड। सावथुननि अन्साइनायखौ नोजोर होनानै उदांखि साननि हसे सिगां 14 आगस्टआव मेकासफोर बेनि प्रिमियर स्व' दोन्दोंमोन। रविबारनि कालेक्शननि उनाव दा श्रद्धा कापुर आरो पंकज त्रिपाठिनि सावथुन 'कल्कि 2898 एडि' आ बक्स अफिसआव मोजां पारफर्म




खालामदों। बेसेन गोसा टिकेट जानायनि जाउनावबो सुबुंफोर नख'रनि सुबुंफोरजों लोमोसे सावथुनखौ नायनो थाखाय थियेटरआव थांगासिनो दड। जायनि नुथाइखौ रोखायै बक्स अफिसनि कालेक्शनआव नुनो मोन्दों। शनिबारआव सावथुना गासै 43.85 कौटि रंनि कालेक्शन खालामदों। सुलुनि

बायदिब्ला रविबारव सावथुननि कालेक्शनआ खलव जादों आरो स्त्रि 2 आ गासै 55 कौटि रं जादों। स्त्रि 2 सावथुना सानब्रैनि गेजेरवोनो नख'रारि बक्स अफिसआव नेट कालेक्शनआ 190.55 कौटि रंनि साखाथियाव सौहैबाय। 15 आगस्टनिफ्राय रक्षाबन्धननि बन्द सिमआव हरर कमेडि सावथुननि थाखाय

मुलाम्फा गोनं जादों। श्रद्धा कापुरनि सावथुना हिन्दि रवआव गावनि क-स्टाक जाखानाय प्रभासनि सावथुन 'कल्कि 2898 एडिनि रेकर्डखौ सिफायनायनि खाथिसिम सौहैबाय। प्रभास आरो दिपिका पादुकण स्टारनि सावथुना हिन्दि रवआव 53 सानाव गासै 293.06 कौटि रंनि कालेक्शन खालामदों, जाय गोखैथिजों बक्स अफिसआव स्त्रि 2 आ खारासिनो दड। बेखौ नोजोर होनानै बेखौ हमदांदों हायोदि, स्त्रि 2 आबो कल्कि सावथुननि रेकर्डखौ सिफायनो हागौ। वाल्डवाइड स्त्रि 2 आ दासिम 188 कौटि रंनि साखाथियाव कालेक्शन खालामबाय।

'भेदा' आरो 'खेल खेल में' सावथुननि कालेक्शनआ सोराडाव फैदों

आगस्ट दानआ बक्स अफिसआव दोहौ सोमजिहोदों। बे खेबाव जयै मोनथाम सावथुनफोर सिनेमा हलफोरव रिलिज जादों। श्रद्धा कापुर आरो राजकुमारनि स्त्रि 2 सावथुना बक्स अफिसआव मोजां रं आरजिगासिनो दड। गुबुन फारसेथि अक्षय कुमारनि 'खेल खेल में' सावथुन आरो 'भेदा' नि गेजेरव बादयलायनायखौ नुनो मोन्दों। मोनैबो सावथुननि कालेक्शनआ स्त्रि 2 नि साखाथिआवबो सौहैनो हायाखै। अक्षय कुमारनि केरियारखौ थांनाय माखासे समनिफ्रायनो दावबायनाय नुनो मोन्दों। बिथानि बेक टु बेक सावथुनफोरखौ बक्स अफिसआव जेन्नाय नुनो मोन्दों। अक्षय कुमारनि 'खेल खेल में' सावथुना



नायगिरिफोरनिफ्राय मोजां अन्सायनाय मोनगासिनो दड। नाथाय एसेबां नायगिरि मोनो हायाखैमोन। गिबि सानाव 5.05 कौटिनिफ्राय जागयनाय बे सावथुननि कालेक्शनआ शुकुबार आरो शनिबारआव बन्दिनि जाहोनजों जोबोर दावखलायदों। शुकुबारआव सावथुनआ 2.05 कौटि रं आरजिदों, शनिबारआवबो


सावथुनआ 3.1 कौटि रंसिमल' आरजिनो हादों। रिपर्टनि बायदिब्ला, रविबारआव थिएथारआव अक्षय कुमारनि सावथुनआ सरासनसा अडियन्स मोन्दोंमोन आरो सावथुनआ गासै 3.85 कौटि रंनि कालेक्शन खालामदों। 'खेल खेल में' सावथुननि इन्डियाआव आरजिथाया

दासिम 14.05 कौटि रंसिम सौहैबाय। अदेबानि वर्ल्ड वाइड सावथुनआ 23.9 कौटि रं फालांगि खालामबाय। सरबरि बाघ आरो जन आब्राहमनि बे सावथुनखौ मोनथाम गुबुन गुबुन खालामनाय जादों। नाथाय बेनि गेजेरजोंबो सावथुना मोजां रं आरजिनायाव जाफुंसारनो हायाखैमोन।

तामिल आरो तेलेंगुआव सावथुननि फालांगिआ टपआव थादों। भेदा सावथुननि रविबार साननि इन्डिया नेट कालेक्शनआ गासै 3.2 कौटि रं जादों। हिन्दि रवआव सावथुनआ गासै 13.98 कौटि रं आरजिदों।

ऋषभ शेड्ढिआ 'कान्तारा' सावथुननि थाखाय बेस्ट एक्टर एवार्ड बाब्था मोन्जो हादों

बोसोफ्रोमनि बायदि बे बोसोरावबो 70थि नेसेनेल फिल्म एवार्डखौ 16 आगस्ट, 2024 आव फोसावनाय जादोंमोन। अदेबानि कर्नाटकनि सावथुन कान्ताराआ बेस्ट एक्टरनि सावथुन आरो बेस्ट फावखुंगुरनि एवार्डखौ गावनि मुं खालामदों। बेखौ मोनखानायनि उनाव फावखुंगुर ऋषभ शेड्ढिनि अन्सायगिरि आरो नख'रनि सुबुंनि गेजेरव



रंजानायनि थासारिखौ नुनो मोन्दों। थांनाय सानफोरनिफ्रायनो सशेल मिडियाआव

कान्तारा सावथुन 2022 माइथायाव रिलिज जादोंमोन आरो बेनि पिक्चल कान्तारा चेप्टर-1 आ थाबैनो रिलिज जासिनो। बे सावथुना पेन इन्डियाआव अन्सायगिरिफोर आरो क्रिटिक्सफोरजों जोबोर बाख्नाय जादोंमोन। बे सावथुनाव बिथाडा लिड रलआव फाव खालामनायजों लोमोसे बेखौ डायरेक्टबो खालामदोंमोन। बेस्ट एक्टरनि एवार्ड देरहानायनि उनाव फावखुंगुर ऋषभ शेड्ढिआ जोबोर खुसि आरो बिथाडा गावनि

सम्भाजिनि आबुआव नुनो मोनगोन। सावथुनाव जेब्लानिफ्राय बिथानि लुकआ नुजाथिदोंमोन, अब्लानिफ्रायनो अन्सायगिरिफोर नायनो थाखाय जोबोर एक्साइटेड जादोंमोन। अदेबानि फावखुंगुरनि अन्सायगिरिफोरा सावथुननि टिजारखौ नुनानै जोबोर खुसि जादों। आथिखालाव भिक्कि कौशलनि टिजारखौ नायनानै अन्सायगिरिफोर बिथांखौ जोबोर अन्सायदों।

रिया चक्रवर्तिनि टक स्व'आव फावखुंगुर आमिर खानआ आलासि महरै नुजाफैदों

फावखुंगुरि रिया चक्रवर्तिआ गावनि प्रफेसनेल लाइफनिफ्राय बांसिन पारसनेल लाइफखौ लानानै मिडियाआव थायो। 2020 माइथायाव बिथाड माखासे गोबां जेनाजों मोगा-मोगि जानादोंमोन। फावखुंगुरि मुंआ मुंदांखा फावखुंगुर सुशान्त सिं राजपुतनि जिउ खहा जानाय जाथायाव फैदोंमोन। बेनि गेजेरजों फावखुंगुरिआ माखासे समसिम जेलआवबो थानो गोनं जादोंमोन। अदेबानि बै समा थाबोबाय नाथाय बेनि बै जाथाइया दासिमबो फावखुंगुरि गोसो सिंआव थांनानै दड एबा बावगारनो हायाखै। सम-सम रियाआ गावनि थांनाय समनि जाथाइखौ गोसोखांफिनो। बे खेबआवबो बिन्दिनो जादोंमोन। अदेबानि फावखुंगुरिआ आथिखालाव गावनि पडकास्ट स्व'खौ लानानै जोबोर गोसोरदों। बे स्व'आव दासिम माखासे सेलेब्सफोरा बाहागो लाफैखांबाय।



बेनि जागयनाया सुभिता सेननिफ्राय जादोंमोन। बवेखांनि आथिखालाव आमिर खानआ बे स्व'नि बाहागो जादों। रिया चक्रवर्तिआ गावनि टक स्व'खौ चेप्टर 2 निफ्राय गोदानै

जागयदोंमोन। सुभिता सेननि उनाव आमिर खानआ रियानि स्व'नि आलासि जादों। स्व'नि प्रम'खौ रविबारआव दिन्थिनाय जागोन। स्व'आव आमिर खान आरो रियाआ स्टारडाम, सावथुनफोर, थेरैपि आरो दुखुनिफ्राय बारग'नायनि सोमोन्दै सावरायदों। प्रमनि जागयनाया रियानि मोजां लुकसनि फारसे बाख्नायनायनिफ्राय जायो। अदेबानि आमिर खानआ माखासे बाथ्रा सावरायनानै बे स्व'आव रियानि गोहोखौबो बाखायदोंमोन। बिथाड बुंदोंमोनदि, 'नों जोबोर साहस दिन्थिदों रिया।' सुपारस्टार बिथाड बेखौबो फोरमायदोंदि, बिथाडा सावथुननिफ्राय जानगाराव थानो सान्दोंमोन। प्रम' शेरार खालामनायनि गेजेरजों रियाआ केषानआव लिरदोंदि, 'आं सारसे सैथो फावगिरि आरो सैथो लोमो आमिर खानखौ स्व'आव बरायनो मोनानै जोबोर गोजोन्याय मोन्दों।

फावखुंगुरआ बयनिखुइबो गोबां हामलायथि मोनगासिनो दड। बेनि गेजेरजों फावखुंगुरिनि आंगो बिसिआ मोनसे भिडिअ शेरार खालामदोंमोन आरो बे भिडिअआव बिथांखौ आरति लाना बरायनायखौ नुनो मोन्दों। फावखुंगुर ऋषभ शेड्ढिनि बिसि प्रगति शेड्ढिआ सशेल मिडियाआव जोबोर एक्टर थायो। बिथाड बे भिडिअखौ हर गेजेरव इन्स्टाग्रामाव शेरार खालामदोंमोन। फिसायनि नेसेनेल फिल्म एवार्ड देरहानो हानायनि उनाव बिसि प्रगतिआ जोबोर खुसि जादोंमोन आरो बिथाड बेखौ जरखा नुथायाव सेलिब्रेट खालामदों। ऋषभनि

गाहाम देहानि राहा

फेटि लिभारनि थाखाय तेजपात बिलाइखौ आदाराव सोफादेरनांगौ

गाजि जिउ खुनाय आरो मोजां नडै आदार बिथांखिनि जाहोनाव फेटि लिभार बायदि बेरामफोरा बांगासिनो दं। जुदि नोंथाड बे बेरामनिफ्राय गावखौ रैखा खालामोनो लुबैयोब्ला गावनि जिउ खुनाय आरो आदारखौ सावसिनं खालामनांगौ आरो लोमोसे गावनि आदाराव तेजपात बिलाइखौ सोफानांगौ। तेजपात बिलाइफोराव मोन्याय गासैबो गुदिमुवाफोरा नोंथांनि लिभारनि सावसिखौ गोबां बिबाडव सावसिन खालामोनो हागौ। बे बिलाइखौ फेटि लिभारनि जेनानिफ्राय रैखा मोन्ने थाखायबो बाहायनो हायो। आचार्य श्री बालकृष्णनि बायदिब्ला, बे बिलाइया लिभारनि सावसिनि थाखाय मुलाम्फा गोनं जानो हागौ। नोंथाड बे बिलाइजों सामब्राम गुफुर, बानलु गोथां, लंग आरो हाल्दै गुन्दैखौ समान बिबाडव बानायनांगौ। बे बिदैन 10-20 मिलिलिटर लोब्ला



लिभारजों सोमोन्दो थानाय बेरामफोरखौ गोबां बिबाडव फाहामनो हायो। जुदि बे बिलाइफोरनिफ्राय बानायनाय बे बिदैखौ नेमबादियै लोडोब्ला फेटि लिभार बायदि गोब्राव बेरामफोरनि सालोबनायनिफ्राय बारग'नो हागोन। फेटि लिभारनि अनगायैबो, बे बिलाइफोरा आर्थराइटिस, केन्सार आरो बिखाजों सोमोन्दो थानाय बेरामफोरजों जुजिनायावबो गोहोम गोनं जानो हागौ। 'बेल' नड, तेजपात बिलाइफ्रा बिबुनि सावसिनि थाखायबो जोबोद

मुलाम्फा गोनं जानो हागौ। बे बिलाइफोराव थामा, पटेशियम, के लिसियाम, मेगनेसियाम, सेलेनियाम आरो आयरन बायदि गासैबो पुष्टिगोनं गुदिमुवाफोर थायो, जाय नोंथांनि गासै सावसिनि थाखाय जोबोद मुलाम्फा गोनं जानो हागौ। बे बिलाइफोरा मुलियारि गुनफोरजों बुंफबनाय, गोजाम समनिफ्रायनो बाहाय जाबोदों। नोंथाड बे बिलाइखौ गावनि आदारनि मोनसे बाहागो खालामनोबो नाजानांगोन।

भिक्कि कौशलनि 'छाभा' सावथुननि रिलिज अक्टखौ फोसावबाय

'बेड निउज' नि उनाव दाबावैसो भिक्कि कौशलआ गावनि फैगौ सावथुन 'छाभा' खौ लानानै खौराडव थादों। थांनाय सानफोरव 'स्त्रि 2' जों लोमोसे सावथुननि टिजारखौबो दिन्थिनाय जादोंमोन। बेयाव भिक्कि कौशलखौ सासे दावहारुनि महराव नुनो मोन्दों। भिक्कि



कौशलआ आथिखालाव गावनि मस्ट अपडेट सावथुन 'छाभा' जों नायगिरिफोरनि गेजेरव दोहौ सोमजिहोनो थाखाय साखा-फार जादों। बलिउड स्टारनि फैगौ सावथुननि टिजारखौ दिन्थिनायजों लोमोसे नो मेकासफोर भिक्कि कौशलनि अन्सायगिरिफोरखौ आगेबाव मोनसे सारप्राइज होदों। मेकासफोर सावथुननि टिजारखौ दिन्थिनायजों लोमोसे सावथुननि रिलिज डेटखौबो फोसावबाय।

बिथांमोनहा फोसावदोंदि, सोलिफु सावथुनआ बे बोसोरनि 6 डिसेम्बरआव रिलिज जागोन। फैनो गोनं पिरियड ड्रामा सावथुनआव भिक्कि कौशलखौ बिर जोहोनाव छज्पति सम्भाजि महाराजनि फाव दिन्थिनाय नुनो मोनगोन। बे टिजारआ लन्च खालामजानायनि सिगां भिक्कि कौशलआ जोबोद सोमोन्थाव सावथुननि गिबि पस्टारखौ इनस्टाग्रामआव शेरार खालामदों। 'छाभा' सावथुनखौ

लक्ष्मण उतेकरआ बिथोन होदों आरो बेखौ मैडाक फिल्मसनि गेजेरजों दिनेश बिजानआ बानायजों। टिजारआव भिक्कि कौशलखौ दावहारु जानानै हाजार-हाजार सान्थिफोरजों दावहा नांनय नुनो मोन्दों। भिक्कि कौशलखौ छत्रपति शिवाजि महाराजनि फिसाज्जा सम्भाजिनि आबुआव नुनो मोनगोन। सावथुनाव जेब्लानिफ्राय बिथानि लुकआ नुजाथिदोंमोन, अब्लानिफ्रायनो अन्सायगिरिफोर नायनो थाखाय जोबोर एक्साइटेड जादोंमोन। अदेबानि फावखुंगुरनि अन्सायगिरिफोरा सावथुननि टिजारखौ नुनानै जोबोर खुसि जादों। आथिखालाव भिक्कि कौशलनि टिजारखौ नायनानै अन्सायगिरिफोर बिथांखौ जोबोर अन्सायदों।

मिरु मन्थि जयशंकरआ कुवेत दावबायहैदों

कुवेत सिटि, 19 आगस्ट: मिरुनि गुबुन हादरयारि मन्थि एस जयशंकरआ रबिबारखालि कुवेतआव दावबायहैना राजथावनि कुवेत सिटिआव बैयावनि गोर्जो थाखोनि दैदेनगिरिफोरजों लोगो ह्मो आरो बिथांमोनजों दरनै हादरनि सोमोन्दो आरो ओन्सोलनि थासारनि सायाव गुवारै सावरायो। मन्थि जशंकरआ सानसेनि हाबाफारिजों कुवेतआव दावबायहैदोंमोन। बे समाव बिथाडा कुवेतनि क्राउन प्रिन्स सबाह अल-कालेद अल-सबाहजोंबो सावरायदों। बे समाव बिथांमोनहा दरनै हादरनि सोमोन्दोखो गोर्जो थाखो फासै



लानायनि गोनांथार आयदानि सायाव सावरायो। मन्थि जयशंकरआ बे खोरांखो एक्सआव पस्ट होनानै मिथिहोदों। मख 'जाथावदि, इजरइल-गाजा दावहा जानायजों ओन्सोलाव जेनाफोरा बांदों। भारतनि मन्थिआ बुंदोंदि, भारत

आरो कुवेतआ गोबां बोसोर सिगानिफ्रायनो गोजाम लोगो आरो दरनै हादरनि मददआ थाद'नाय गैथै बालांगसिनो दड। क्राउन प्रिन्सआ भारतखो मदद होनायनि थाखाय बु'नाय बाफ्राफोरा बरायना लाजाथाव। मानोना बिथाडा भारत-कुवेतनि

सोमोन्दोखो गोदान थाखोआव लानायनि मिजिं फोरमायदों। बेराफासै मन्थि जयशंकरआ कुवेतनि गाहाइ मन्थि चेक आहमद आबुल्लाह अल-आहमद अल-आबेर अल-सबाहजोंबो लोगो ह्मो। बिथाडा गाहाइ मन्थि नरेन्द्र मदिनो गाहाम हामलायथिबो दैथायहरदों। मिरु मन्थि एस जयशंकरआ फोरमायनाय बादिब्ला, बिथांमोनहा दरनै हादरनि गेजेराव रंखाथियारि मददखो आरोबाव बांहोनायनि थांखिखो गनायथिज्जायो। जयशंकरआ कुवेतनि गुबुन हादरयारि मन्थि आबुल्लाह आली याहयाजोंबो लोगो

हमनानै दरनै हादरनि आयदाफोरनि सायाव सावरायो। भारत आरो कुवेतआ बे समाव राजखान्थि, फालांगि, इन्भेस्ट, सावसि, सोलोंथाय आरो सुबुंफोरनि गावजों-गाव लोगो ह्मनायाव मदद होज्जायो। एएनआइनि बादिब्ला, गुबुन हादरयारि मन्थि जयशंकरआ कुवेतआव थानाय भारतयारि फोलेरनि सुबुंफोरजोंबो सावरायदों। मन्थिआ भारत आरो कुवेतनि सोमोन्दोआव भारतीय फोलेरनि जाफुंसारनाय आरो बिहोमा होनायखो बाखायदों। गुबुन हादरयारि मावख'आ बुंदोंदि, मन्थि जयशंकरआ कुवेतआव भारतीय फोलेरनि गाहाइ सोद्रोमाफोरजों लोगो ह्मनायनि अनगायै गुबुन गुबुन प्रफेसनेल आरो हारियारि आफादफोरनि थान्दैफोरजोंबो लोगो ह्मदों। कुवेतआव थानाय भारतीय फोलेरनि सुबुंफोरा भारत-कुवेतनि गेजेराव दोंसे दालां जानानै दड।

रसियानि कुर्स्कआव इउक्रेननि सान्थि हाबहैनायनि जाहोनखो हादतगिरि जेलेनस्किया फोरमायदों

क्विवभ, 19 आगस्ट: इउक्रेननि हादतगिरि भल 'डिमिर जेलेनस्किया बुंदोंदि, रसियानि कुर्स्क ओन्सोलाव इउक्रेन सान्थिफोरनि हाबहैनाय थांखिया बेयाव मोनसे 'बफार जन' खालामनायनि, जाहाथे मस्क 'खो सिमना बारनानै आरो गाग्लोबनायनिफ्राय होबथानो हायो। जेलेनस्किया कुर्स्क ओन्सोलाव 6 आगस्टखालि जागायनाय बे मख 'जाथाव अपारेशाननि थांखिखो गिबि खेब रोखा खालामदों। सिगांआव बिथाडा बुंदोंमोनदि, अपारेशाननि थांखिया सिमनाजों नांजाबनाय सुमि ओन्सोलाव सुबुंफोरखो रसियानिफ्राय लान्थियै गुलि गावहसनाय, बमा हरनायनिफ्राय रैखा खालामनाय। हादतगिरि जेलेनस्किया बु'बावदों, आथिखालाव रैखाथि अभियानफोरनि गेजेराव गाहाइया जादों जेसेवां हागो रसियानि दावहा नांनाय गोहोखो



सिलिंखार खालामनाय आरो गोखों फिन्नाय होनाय। बेयाव कुर्स्क ओन्सोलावनि गावसिनि अपारेशानबो दंफायो, जायनि थांखिया गाग्लोबग्राणि ओन्सोलाव मोनसे बफार जन खालामनाय। बिबानगिरिफोरनि बायदिब्ला, इउक्रेनआ 6 आगस्टखालि जागायनाय अपारेशाननि गेजेरजों सिमना बारनानै गाग्लोबनायखो गोखों खालामनानै थांनाय दालांखो सिलिंखार खालामदोंमोन आरो बेनि साखाथियाव थांनाय दालांआवबो गाग्लोबदोंमोन,

जायजों रसिया जगायनाय होनाय सुबिधायाव हँथा गोग्लैदोंमोन। इउक्रेननि अखांमा सान्थिनि गाहाइ लेफिन्टेन्ट जेनेरेल मायकला अलेश्चुआ शुक्रबारआव मोनसे उरांजों गाग्लोबनाय भिडिअ फोसावदोंमोन, जेराव दालांआ मोनै बाहागोयाव बायना थांनायखो नुनो मोन्दोंमोन। अलेश्चुक आरो रसियानि रैजनेल एलेक्सि स्मिरनभनि बायदिब्ला सान 2 निबो खमसिन समाव इउक्रेन सान्थिफोरा रसियाआव गुबुन गंसे दालांआव गाग्लोबदों।

आमेरिका आरो खोला करियानि जुथाय मिलिटारि एक्सरसाइजआ जागायबाय



सिउल, 19 आगस्ट: आमेरिका आरो खोला करियानि रैनियाफोरा एटम हाथियार गोनां सा-करियानि हँथायै गावसोरनि सरासनस्त्रा रैखाथि गोहोखो बांहोनो थाखाय समबाव मोनसे गिदिर रैनिया ड्रिल जागायदों। बेखो नोजोर होनानै, सा-करियाया फिन खेबसेबाव मोनै लोगोफोरखो दाय होदों, जायखो बिसोरो गाग्लोबनायनि थियारिफोरनि बाहागो महरै रिहार्सल खालामगासिनो दड। करियान पेनिनसुलायाव

बांलांनाय जेनानि गेजेराव बोसोरारि गोलोम बोथोरनि ड्रिलफोरा जागासिनो दं। सा-करियानि हाथियारि हाथियारि दन्थिफुनायनि फिन्नाय महरै, आमेरिका-खोला करियाया जेज-फर-ताइसनि सारियाव जथाय रैनिया अभ्यासखो गोखोंसिन खालामदों। सा-करियानि बायजो हायुंआरि मन्थि बिफानआ मोनसे बिबुंथि फोसावनायनि माखासे घन्टानि उनाव बे हाबाफारिया जागायजेन्दों। बिबुंथियाव सा-

करियाया फिन बुंफिनदोंदि, बेफोरबायदि हाबाफारिया गाग्लोबनायनि थाखाय थुलुंगाहोरा सोलो। जुथाइ राइज्यो आमेरिका आरो खोला करियाया गावसोरनि जथाय अभ्यासखो रैखाथियारि आखुनि महरै बरनायदों आरो मोनैबो हादोरा सा-करियानिफ्राय जाखुंफुनाय खैफोदफोरजों जुजिनो थाखाय बावैसोनि बोसोरफोराव गावसोरनि फोरंथायखो फेहेरदों आरो जौगाहोदों। आमेरिका आरो

खोला करियानि रैनियाफोरा सा-करियानि बायजोआरि मन्थि बिफाननि बिबुंथिखो हरखाबै फिन्नाय होआखेमोन। 11 साननि 'उल्ची फ्रीडम शील्ड अभ्यास' आ 29 आगस्टसिम सोलिगोन। 'कम्प्युटर-सिमुलेटेड वार गेम्स' आरो 'लाइव-फायर' अभ्यासजों लोगोसे 40 नि बांसिन रोखेमनि अभ्यासफोर खुंनाय जागोन। फ्राय 19,000 खोला करियानि रैनिया हान्जानि मावथिफोरा ड्रिलआव बाहागो लागोन, नाथाय आमेरिकाया ड्रिलफोराव बाहागो लानाय गावनि रैनियाफोरनि अनजिमाखो रोखा खालामाखै। बिनि सिगाडव, आमेरिका आरो खोला करियाया जथाइ परमाणु डिटेरेन्स गाइडलाइनआव सागान होदोंमोन। बेखो सा करियानिफ्राय बांलांनाय परमाणु खैफोदनि समाव होबथानायखो आरोबाव गोखों खालामनो थाखाय मोनसे गोनांथार आरो गुदि आगान महरै बरनायनाय जादोंमोन। आमेरिका नि हादरगिरि ज' बाइडेन आरो खोला करियानि हादरगिरि युन सुक येअलआ बेखो जोबोद गिदिर दावगानाय बुंदोंमोन। बेखोबो मिबथिनाया गोनांदि खोला करियाया जेबो परमाणु हाथियार गैया।

फेसाबर, 19 आगस्ट: सा-सोनाब पाकिस्तानआव थांनाय गंसे पुलिस थांनायाव उतखारिफोरा गाग्लोबदों, जेराव सासे थांना बिबानगिरिजों लोगोसे सानै पुलिस मावफारियाफोरनि जिउ गोमायो। पुलिसआ मिथिहोदोंदि, गोखों हाथियार लानानै फेनाय उतखारिफोरा कैबर पख्तुनख्वा राइज्योनि उतखारिनि गोहोम गोनां लाक्कि मरबहत जिल्लानि बरगाइ पुलिस थांनायाव रबिबार हरआव गाग्लोबदों। बे गाग्लोबनायाव सासे पुलिस मावफारियाआ जायगायावो जिउ गोमायो आरो थांना बिबानगिरिआ देहा फाहामसालिआव जिउ गोमायो। गुलि गावज्जालयनाय समाव थांना बिबानगिरिआ गोबां गुलि नांजादोंमोन। थांनायाव गाग्लोबग्रा उतखारिफोरा गाग्लोबनायनि सिगां पुलिस थांनानि साखाथियावो थांनाय गंसे



न'आव थाखोमानानै थादोंमोन होना पुलिसआ खोंरं होदों। बेनि अनगायै सा-सोनाब पाकिस्तानआवो रबिबारखालि गुबुन मोनसे उतखारि गाग्लोबनायाव सानै जवानफोरनि जिउ गोमायो आरो गुबुन सा 3 आ जोखोम जायो। उतखारिफोरा फ्रन्टियार कनस्टेबुलारिनि गारिखो थांखिनानै गाग्लोबदोंमोन। पुलिसआ मिथिहोनाय बादिब्ला, कैबर पख्तुनख्वा राइज्योनि देरा इस्माइल खान जिल्लानि मादि

ओन्सोलाव रैखाथि हान्जानि गारिखो नेना थांनानै गाग्लोबो। बेयाव जोखोम जानाय जवानफोरखो देहा फाहामसालिआव थिसन्नाय जायो। मख 'जाथावदि, बावैसो सिगां कैबर पख्तुनख्वा राइज्योआवो रैखाथि हान्जा आरो उतखारिफोरनि गेजेराव गुलि गावज्जालयनायाव टिटिपनि सा 7 उतखारिफोरा थैदोंमोन। सान्थिनि मिडिया ब्रान्स इन्टर सांभिसेस पाब्लिक रिलेसन्सआ मोनसे फिन्नायाव

बुंदोंमोनदि, कुरराम जिल्लायाव उतखारिफोरनि थाफेनाय स्त्रोद खोंरंखो बिथा खालामनानै सान्थि हान्जाया अपारेसन खालामदोंमोन। बे अपारेसनआव सा 7 उतखारिफोरखो जिउ फोजोबनो हायो आरो गुबुन सा 5 आ जोखोम जादोंमोन। लोगोसेनो सान्थि हान्जाया उतखारिफोरनि केम्पखोबो संदानो हानानै बेनिफ्राय गोबां हाथियार, बमा आरो गुलि-बारुदफोरखो बोखादोंमोन।

रसिया आरो आमेरिकानि उरां जाहाजआ सिरियानिफ्राय खुनुरुखुमै रैखा मोन्दों

दामास्कास, 19 आगस्ट: सिरियाआव आमेरिकानि दैदेन्याय जुथाय दोलोन गंसे जेट उरां जाहाजआ रसियानि इरां जाहाजनि खाथिथाराव सौफेयो। रसियानि सालायग्रा दोलोआ गावसोरनि कौशलखो दिन्थियो आरो उरां जाहाजपोरनि सौग्रावनायखो होबथायो। बे जाथाया सिरियानि हम्स ओन्सोलावनि थांनाय रबिबारखालि हम्स ओन्सोलाव रसियानि गंसे नोजोर लाखिग्रा उरां जाहाजआ बिरगासिनो दडमोन। बे समाव हरखाबै आमेरिकानि दैदेन्याय जुथाय दोलोन गंसे दावहारु बम गावग्रा जेटआ गिखंथावै जोबोद खाथियाव सौफेयो। रसियानि सरकारि खोंरं एजेन्सि टासआ सिरियाआव थिसनजानाय रसियानि सासे सान्थियारि बिबानगिरिनि गथायनाय खोंरंजों बेनि खोंरंखो शेयार खालामो। सुलुनि बादिब्ला, जुथाय दोलानि



गंसे एफ/ए-18 दावहारु बम गावग्रा उरां जाहाजआ रसियानि एयरस्पेस हान्जाफोरनि एएन-30 उरां जाहाजआ गिखंथावै खाथियाव फेयो। रसियानि सालायग्रा दोलोआ गोखों आखु दिन्थिनानै सौग्रावनायखो होबथानो थाखाय गोनांथि जानाय बायदि राहा लादों। सुलुनि बादिब्ला, बे जाथाया हम्सनि अल-तनक ओन्सोलावनि जादों। बेराफासै आमेरिकानि रैखाथि बिफानआ बेनि सायाव जेबो फिन्नाय होयाखै। सुलुडव फोरमायनाय बादिब्ला, जर्डाननि सिमना बारनाय सिरियानि अल-तनक ओन्सोलाव जुथाय राइज्यो

आमेरिकानि गंसे सान्थियारि गाथोन दड। आमेरिकानि सिगिआव सा 900 आरो न'सुंसे हादर इराकआव सा 2500 सान्थिफोर थिसन्दों। आमेरिकानि सान्थिफोरा जायगानि हान्जाफोरनो बोसोन होनो आरो हेफाजाव होनायनि मिसनआव दड। बिसोरखो थिसन्नायनि थांखिआ इस्लामिक स्टेटनि बिग्रायनायखो होबतानाय। थांनाय 2014 आव दरनै हादरपोरनि गिदिर बाहागोआव इस्लामिक स्टेटआ दखल कालामनानै लादोंमोन होना सुलुडव फोरमायदों।

खोला चीन लैथोयाव फिलिपाइन्स आरो चीना जाहाजनि गेजेराव सौग्रावलायदों

बेइजिं, 19 आगस्ट: खोला चीन लैथोआव चीन आरो फिलिपाइन्सनि गेजेराव जेना गोनां थासारि सोमजियो। बेनि गेजेरजों चीनआ फिलिपाइन्सनि सायाव गिदिर दाय जावसिनानै बुडोदि, फिलिपाइन्सआ गोसो जानानै खोला चीन लैथोआव गंसे चीननि जाहाजजों सौग्रावदों। समबारखालि फोसावनाय बिबुंथिनि बादिब्ला, चीनआ बुडोदि, फिलिपाइन्सआ गले-गले बिसोरनि सांग्राथि होनायखो नेवसिगारदों। चीन कस्ट गार्डनि



ससेल मिडियाआव पस्ट खालामनाय जाथायनि मोनसे फिसा भिडिअनि बादिब्ला, दरनै हादरफोरनि जाहाजफोरनि गेजेराव सौग्रावनाया समबारखालि फुंनि 3.24 रिगायाव जादों। बेराफासै

बे जाथायनि सायाव फिलिपाइन्सनि रैखाथि परिषदनि बुंथिगिरि जनाथन मलायाआ बिबुंथि फोसावनाय बुंदोंदि, खोला चीन लैथोमायाव गावनि बिबानगिरिफोरखो रैखा

खालामनो थाखाय मनीला (फिलिपाइन्सनि राजथावनि) नि नायबिजिरनाया थुनज्जालयनाय नड। चीननि कस्ट गार्डनि बुंथिगिरि गान युनि बादिब्ला, समबारखालि फिलिपाइन्सनि गंने बोरि रैखाथि जाहाजपोर गनायथि गैयालासे सविना सलनि खाथियाव थांनाय दैयाव आइन बेरखायै हाबफैरखोमायो। बिथाडा बुंदों, जोंनि जवानफोरा बिसोरनि हँथा जाहाजखो होबथानायनि सांग्राथि होदोंमोन। गानआ फिलिपाइन्सआ जोंखो खनले-

खनले थुनज्जालयनानै जेना सोमजिहोदों। चीन आरो फिलिपाइन्सनि गेजेराव अरायथा नडै राहाखो सिफायदों। बेराफासै चीननि कस्ट गार्डआ बुंदोंदि, बिसोर बे जाथायखो लानानै आइन बादिथै फिलिपाइन्सनि जाहाजफोरनि हँथायै होबथानायनि राहा खालामदों। लोगोसे फिलिपाइन्सनि नेमकांथि सिफायनाय आरो थुनज्जालयनाय आखुखो थाबैनो होबथानायखो लानानै फिथाइखो भुगिनांनयनि सांग्राथि होदों।

इमरान खाननि बिसि बुसरानि ह्मदांनो हानाय गोहोनि सायाव रोखा खालामदों

इस्लामाबाद, 19 आगस्ट: पाकिस्ताननि संगालि एजेन्सि आइएसआइनि बारग'गाहाइ फेज हामिद आरो इमरान खाननि गेजेराव थांनाय गोखों सोमोन्दोनि सायाव मोनसे गिदिर बाथाया सोराडाव फेदों। दा एक्सप्रेस ट्रिबुननि बादिब्ला, फेज हामिदआ बुसरा बेबनि गेजेरजों

इमरान खानजों सोमोन्दोआव दडमोन। मख 'जाथावदि, माखासे सान सिगां पाकिस्तान सान्थिआ फेज हामिदखो घुष लानायनि केसआव ह्मदों। फेजनि हँथायै कर्ट मार्सेलनि नायबिजिरनायाबो सोलिगासिनो दड। दा एक्सप्रेस ट्रिबुनआव बुंनाय बादिब्ला, हामिदआ बुसरा

बेबिनो खोंरंफोरखो मिथिहोयोमोन। बेफोर खोंरंखो बुसरा बेबिआ इमरान खाननो दैथाय हरोमोन। लोगोसेनो बुसराआ इमराननो बेफोर खोंरंफोरखो गावनि ह्मदांनो हानाय गोहोजों मोन्दों होना मिथिहोयोमोन। बेफोर खोंरंखो नुंगुबे फोरमान जानायव इमरान



खानआ बुसरा बेबिनि ह्मदांनो

हानाय गोहोफोरनि सायाव

फोथायनाया बांसिन जायो। फेज हामिद आरो इमरान खाननि सोमोन्दोआ गंसे आइफननि गेजेरजों सोराडाव फेदों। बे आइफनखो सकवालआव मोन्दोंमोन। बेराफासै बे केसआव इमरान खाननि बिसि बुसर बेबिआ बिबानगिरिफोरखो मदद होनो हागो होनानै ह्मदांनाय जादों।

बुसराआ रैखाथिनि बदले साखि गंसो हागो होनानैबो ह्मदांनो लानाय जादों। बेराफासैथिं जोबथेसालिआव जोबजानाय इमरान खानआ बारग' जेनेरेल फेज हामिदनि ह्मजानायखो गिनाय मोनाखै होनानै बुंदों। मख 'जाथावदि, थांनाय 12 आगस्टआव पाकिस्तान सान्थिआ

बारग' जेनेरेल हामिदखो 2022 नि डिसेम्बरआव गावनि आजिरा मोन्नायनि उनाव सान्थिनि बिथोनमाखो सिमफायनाय एबा आइन बेरखा मवानाय केसआव ह्मदों मोनानै मिथिहोदों। बिथानि सायाव कर्ट मार्सेलनि हाबाफारिआ सोलिगासिनो दड होनानैबो मिथिहोनाय जादों।

निरज चप्राआ जोखोमनि जाउनावबो डाइमन्ड लीगआव बाहागो लानो जान्जि खाफ्रादों

गोदान दिल्ली, 19 आगस्ट: लास्त्रियै खेबने अलिम्पिकआव मेडेल देरहानाय भारतनि स्टार जेभलिन खुबैग्रा निरज चप्राआ पेरिस अलिम्पिकनि उनावनो डाइमन्ड लीगआव फिन जान्जि खाफ्रादों। निरजआ पेरिस अलिम्पिकआव जोखोमनि जाउनाव मिजिंथि बादि दिन्थिफुनो हायाखै। जाउनाव टकिय अलिम्पिकआव गावनि सनानि मेडेल देरहानायखै रेखाथि होनायाव फेलें जादों। बे समाव पाकिस्ताननि अशद नदीमआ अलिम्पिक रेकड 92.97 मिटर जान्थायजों सनानि मेडेल देरहदों। बे मेडेलजों नदीमआ सिंगेल इभेन्टआव पाकिस्ताननि थाखाय सनानि मेडेल देरहानाय गिबि गेलेगिरि जानो हादों। इयुननि समाव 90 मिटर जान्थाय खुबैगोननि सोंथिआव निरजआ बे जान्थायसिम सौहैनायखै इसोरनि आखाइयाव दडहोन्नाने फोरमायो। सिगां फासैं बिथाड सोलिफु समाव गावनि मोजां थियागि खालामनायखो फोरमायनाने उननि समाव बे थांथिखो मोनो नाजागोननि फोथायथि होयो। मख'नो गोनानि, निरजआ सिगां समावबो 90 मिटर जान्थाय खुबैनो नाजागोननि सायाव



फोथायथि होदोंब्लाबो थांथिसिम सौहैनायाव पेरिसआव फेलें जाहैदों। नाथाय बे खेबआव निरजआ जानो गोनाने खेबने एबा खेबथाम इभेन्टआव 100 जौखोन्दो नाजाथाबनायजों गावनि लोरबांथिफोरखै सुद्रायनो नाजागोनखो फोरमायो। मख'नो गोनानि, निरजआ गोलाव समनिफ्रायनो थिन्थि साखानाय जेनायाव गोलैनाये दड। नाथाय बेबादि थासारियावबो डाइमन्ड लीग मीटआव बिथाड बाहागो लानो जान्जि खाफ्रादों। फेगौ 22 जुलाइखालि जानो गोनाने डाइमन्ड लीगआव बाहागो लानायनि उनाव बुसेल्सआव 13-14 सेप्टेम्बरखालि डाइमन्ड लीगनि फाइनलाव बाहागो लानायनि उनाव निरजआ गावनि बे जेनाखो

फाहामथाय लागोन। थांनाय 8 आगस्टखालि अलिम्पिक फाइनल गेलेनायनि उनाव सुइजारलेन्डसिम दावबायनाय निरजआ गावनि प्रेक्टिसखो सोलिफु समाव मोजाडे लाखिनाये दड। बिथाड जोखोमनि जाउनावबो जानो गोनाने इभेन्टफोराव गावनि आबु फीटजों दिन्थिफु'नो नाजागोन। बे समाव निरजआ पेरिसआव गावनि गोखैथिआव समाथायाव थानो हानायखो फोरमायदों। नाथाय बे समाव लाइनआव फारि गोरोरबिथि खालामनो हायैखो फोरमायदों। मख'नो गोनानि, भारतआ पेरिस अलिम्पिकआव गं 5 ब्रन्ज आरो गंसे सिलभारजों मेडेल देरहानाय फारिआव 71 थि मासिआवसो थानो हादोंमोन।

इउरपआव फुटबलनि गोदान सिजनआ जागायबाय

माद्रिद, 19 आगस्ट: इउरपनि फुटबल गेलेगिरिफोरनि गेजेराव जांरिमिनारि महरै गोलावसिम फुटबल सिजनआ थांनाय 20 जुलाइनिफ्रायनो जागासिनो दड। बे दुर्नामेन्टआ थांनाय 20 जुलाइनिफ्राय आमेरिकायाव क्लावफोरनि गेजेराव फ्री सिजननि लोयोयारि मेचजों जागायजेन्दों। इलेन्डनि प्रिमियर लीगजों लोयोसे गोबां हादरफोरनि नख'परि फुटबल सिजनआवो जागायबाय। जेराव बे सिजनआ 2025 नि 13 जुलाइआव जानो गोनाने फिफा क्लाव वर्ल्ड कापनि फाइनल मेचजों थुंगोन। बेनि ऑथिया बेनोदि, प्रिमियर लीगनि डिपेन्डिसेम्पियन मन्वेस्टर सिटिआ जुदि सिजननि मोनफ्रोम दुर्नामेन्टनि फाइनलाव सौहैयोब्ला हान्जानि स्टर फरबाई गेलेगिरि एलि हान्जआ फेगौ 354 सानसिम फोथायआव थांनागोन। बिथाड हान्जानि थाखाय गावनि सिजनखो आमेरिकायाव सेल्टिक क्लावनि हँथायै लोयोयारि मेच गेलेनायजों जागायगोन। बेनि उनाव बिथाड मन्वेस्टर इउनाइटेडनि हँथायै कमिउनिटि शीलडनि खेबसेल'मेच गेलेगोन आरो सोलिफु समाव बिथाड प्रिमियर लीगआव हान्जजों दंफायो। बे सिजनआव बिथाड हान्जानि थाखाय



सेम्पियन्स लीग एफए काप, इएएल काप आरो क्लाव वर्ल्ड कापआव बाहागो लागोन। थामहिनबा बिथाड हान्जानि थाखाय खेब 15 मेचआव बाहागो जानो हागो। जानो गोनाने प्रिमियर

लीगआव हालेनि हान्जआ खेमबो खेब 38 मेच गेलेगोन। बेबादिनो स्पेनिश लीग ला लीगायाव रिपल माद्रिदनि थाखाय किलियन एन्बाप्ये आरो बिथानि लोयो जुड बेलिंघमआवो बाहागोआव

थागोन। मन्वेस्टर सिटि क्लावआव हालेन्डआ बारा' लोयो गेलेगिरि आरो आर्जेन्टिनानि फरवाइ जुलियान अल्भारेजनि थाखाय सिडिउल्डआ मुखुब जानाने फेदों। मानोना बिथाड बावैसो आर्जेन्टिनानि थाखाय कपा आमेरिकायाव खेब 5 मेचआव ओंखारदों। बेनि उनाव बिथाड अलिम्पिकआव आर्जेन्टिनानि थाखाय गेलेखानायनि उनाव ला लीगायाव एटिलेटिक'माद्रिदआव गेलेगोन। जानो गोनाने सिजनआ गोबाव समनि गेजेराव जोबहैगोन। जायनि फारिआव मसलान सेम्पियन्स लीगआव हान्जफोरनि

अन्जिमाया मोन 34 निफ्राय बारायनाने मोन 36 जाफेदों। गासै बे लीगआव खेब 125 मेच जाबोदोंमोन। नाथाय बे खेबनि सिजनआव खेब 189 जाहैगोन। फिफा क्लाव वर्ल्ड कापआवबो हान्जफोरनि अन्जिमाया बारायनाने मोन 32 जाहैबाय। जाउनाव मेचनि अन्जिमायाबो खेब 7 बारायनाने खेब 63 सिम जासिगोन। फिफा वर्ल्ड कापनि थांनाय सिजनआ 12-22 डिसेम्बरनि गेजेराव खुंजादोंमोन। नाथाय बे खेबआव 2025 आव 15 जुनिफ्राय 13 जुलाइसिम सोलिगोन।

सुमित आरो भाग्यश्रीजों दैदेन जानो गोनाने भारतीय पेरालिम्पिक हान्जानिफ्राय गोबां मेडेलनि मिजिंथि लादों

गोदान दिल्ली, 19 आगस्ट: भाग्यश्री यादव आरो सुमित अन्तिलआ पेरिस पेरालिम्पिक गेम्सआव भारतनि प्लेग बियायार महरै बेखेवजेनाय सानखालि सा 84 सोद्रोमानि भारतीय हान्जखो दैदेनगोन। भारतआ पेरिस पेरालिम्पिकआव जांरिमिन महरै देरसिन हान्जा दैथायहरनो थिगंथा लादों। बेनि सिगां टकिय पेरालिम्पिकआव भारतआ सा 54 पेरा एथलीटफोरखो दैथायहरदोंमोन। पेरिस पेरालिम्पिकआव फेगौ 28 आगस्टनिफ्राय जागायगोन।



महाराष्ट्रनि भाग्यश्रीआ हरिमियायि थाखोआव गिबियै मावख'यारि महरै बाहागो लादों। 2022 नि एसियान गेम्सआव बिथाड जेभलिन खुबैनायनि एफ-34 इभेन्टआव सिलभार मेडेल देरहादोंमोन आरो टकिय पेरालिम्पिकआव 7 थि मासिआवसो जायगा आवग्निदोंमोन। 2017 आव हरिमियायि थाखोआव आगान होजेनाय भाग्यश्रीआ पारियै गुबुन

गुबुन इभेन्टफोराव गावखो जर'खायै सिनायथिदोंमोन। गावनि केरियारआव बिथाड फेजा वर्ल्ड काप आरो वर्ल्ड पेरा एथलेटिक्स गेम्सआवबो मेडेल देरहाखांबाय। गुबुन फासैं जेभलिन गेलेगिरि सुमितआ एफ-64 केटेगोरिआव बारा' वर्ल्ड रेकड हल्लार महरै बाहागो लागोन। टकिय पेरालिम्पिकआव बिथाड 68.55 मिटरजों वर्ल्ड रेकड थिसनाने सनानि मेडेल देरहादोंमोन।

सुमितआ 2023 वर्ल्ड पेरा-एथलेटिक्स सेम्पियनसिपआव सना आरो 2022 नि एसियान गेम्सआव 73.29 मिटर जान्थायजों गोदान वर्ल्ड रेकड थिसनानेमोन। बे खेबआव भारतआ मोनथाम गोदान इभेन्टआव बाहागो लागोन। जायनि फारिआव पेरा साइकलि, पेरा खं आरो ब्लाइन्ड जुड'आ दड। बेखो लाफानाने भारतनि हान्जआ मोन 12 गेलेमुफोराव सेलेन्ज लाखिगोन। टकिय पेरालिम्पिकनि रजुनायाव आइजो पेरा गेलेगिरिफोरनि अन्जिमाया बे खेबआव फानने सौहैगोन। थांनाय खेबआव सा 14 आइजो गेलेगिरिफोराल' टकियसिम सौहैदोंमोन। नाथाय बे खेबआव सा 32 पेरा एथलीटफोराव सेलेन्जआव ओंखारगोन। भारतनि हान्जआ टकिय पेरालिम्पिकआव गासै गं 19 मेडेल देरहादोंमोन। जेराव बे खेबआव गं 25 मेडेलखो देरहानो नाजागोन।

भिनेश फगातनि राडारि बान्थानि सायाव फिसाइ समभीरआ रोखा खालामदों



गोदान दिल्ली, 19 आगस्ट: भारतनि मुंदांखा आइजो रसलार भिनेश फगातआ पेरिसनिफ्राय हादरसिम गिदिबोफिनानयनि उनाव बिथांखो सेम्पियन महरै बरायनाय जादों। भिनेशआ पेरिसआव मोनबो मेडेल देरहानो हायाखैब्लाबो भारतीय अन्सायगिरिफोरनि गोसोखो देरहानो हादों। बिथाड अलिम्पिकआव 50 कि:ग्रा: लिस्थायारि केटेगोरिनि फाइनलाव सौहैदोंब्लाबो 100 ग्राम लिस्थाय बांनायनि जाउनाव डिसक्वालिफाइ खालामजादों। बेनि उनाव भिनेशआ सिलभार मेडेलनि

थाखाय आर'ज गाबदोंब्लाबो जोबथायाव नेवसिजादों। सोलिफु समाव भिनेश फगातनि राडारि बान्था मोनानयनि सायाव मोनसे भिडिअ पस्टआ भाइरेल जागासिनो दड। जेराव बे भिडिअआव गुबुन गुबुन फसंथान आरो कम्पनीनिफ्राय भिनेशनि 16 कौटि राडारि बान्था मोनानय खौराड बेरखादों। नाथाय बेनि सायाव भिनेशनि फिसाइ समभीर राठीआ रोखा फोरमायना होदों। बिथाड फोरमायनाय बादिब्ला, भाइरेल जानाय पस्टनि स्क्रीनशट शेयारआ भिनेशनि सायाव नंखाय खौरां फोसावदों। फिसाइआ रोखा फोरमायनाय बादिब्ला, भिनेशआ दासिमावबो मोनबो फसंथाननिफ्राय राडारि बान्था मोनाखै। जाउनाव भिनेशनि जानाने नंखायै भाइरेल खालामनायखो बन्द खालामनो खालायदों। राठीआ पस्टनि गेजेरजों नंखाय खौरां फोसावनायनिफ्राय गावसोरनि खहा जागोनखो फोरमायो। लोयोसे बेनिफ्राय समाजआव गाव्ज गोहोम गोलेगोननि सांग्रंथि होदों। पेरिस अलिम्पिकआव लिस्थायनि थाखाय डिसक्वालिफाइ जानाय भिनेश फगातनि सायाव थांनाय माखासे सानफोरनि सिगां भाइरेल जानाय खौरांफोरनि बादिब्ला, लिस्थायखो खमायनो थाखाय भिनेशआ हानायमानि हरसेनि गेजेरावनो समाथायाव लाबोनो नाजादोंमोन। जायनि थाखाय बिथाड खानाय सिन्नायजों लोयोसे एक्सरसाइज आरो थै बायदिखो गगार होदोंमोन।

आइजोफोरनि आन्डार-19 वर्ल्ड कापआव भारतआ श्रीलंका आरो वेस्ट इन्डिजजों जायगा मोन्दों

गोदान दिल्ली, 19 आगस्ट: भारतनि आन्डार-19 आइजोफोरनि क्रिकेट हान्जआ जानो गोनाने आन्डार-19 वर्ल्ड कापनि थाखाय जान्जि खाफ्राबाय। हरिमियायि क्रिकेट कार्डिनलसआ जानो गोनाने बे वर्ल्ड कापनि फारिलाइखोबो फोसावनाये होबाय। डिफेन्डि सेम्पियन भारतनि हान्जजों गुपआव श्रीलंका, वेस्ट इन्डिज आरो बान्जारायगिरि मालएसियाआ जायगा मोन्दों। बे कापआ मालएसियानि मोनब्रै स्टैडियमआव खुंजागोन। जेराव हान्जफोर खेब 41 मेचआव सेलेन्ज होन्लायगोन। बे दुर्नामेन्टनि नैथि सिजनआ 2025 नि 18 जानुवारनिफ्राय जागायगोन। थांनाय खेबनि बादिनो बे खेबआवबो मोन 16 हान्जफोर बाहागो लागोन। जेराव फाइनल मेचआ 2 फेब्रुवारिआव जाहैगोन। सेलानरनि बायुमास अभाल फोथायआव गु-एनि गासैबो मेचआ खुंजागोन। गुप-एआवबो जायगा मोनानय भारतीय हान्जआ बे फोथायआव फाइनलासिम सौहैयोब्ला सिगांओ मुलाम्फा मोनानय बादि जागोन। डाट'आव लुनाय डाक्टर हरिजित सिंह जहार क्रिकेट एकाडेमिनि स्टैडियमआव गुप-बिनि गासैबो मेचआ खुंजागोन। साराभाकनि बरनिय क्रिकेट ग्राउन्डआव गुप-सि आरो सेलानरनि मेचफोर इडेक्रेम भिएसडि अभाल स्टैडियमआव गुप-बिनि गासैबो मेचआ खुंजागोन। जुनियरनिफ्राय लानाने सिनियर लेभेलसिम सामआ हान्जआ गिबि खेब वर्ल्ड कापआव बाहागो लागोन महरै गुप-सिआव निडिजलेन्ड खोला आफ्रिका आरो आफ्रिकान क्वालिफायर हान्जजों लाखिजादों। गुप-एआव जायगा मोनानय मालएसियानि थाखायबो बेनो आन्डार-19 वर्ल्ड कापनि गिबि मेच जागोन। गुप-बिआव थांनाय खेबआव रनासंआप जानाय हान्जा इलेन्ड,



पाकिस्तान, आयरलेन्ड आरो आफ्रिकाआ जायगा मोन्दों। गुप-डिनि फारिआव अस्ट्रेलिया, बांलादेश, स्कटलेन्ड आरो एसिया क्वालिफायरनि हान्जआ थागोन। गासै मोन 16 हान्जफोरनि गेजेराव खेब 16 वार्मआप मेचआ 13 जानुवारनिफ्राय जागायगोन आरो बेयो 16 जानुवारिसिम सोलिनानयनि उनाव 17 जानुवारिखालि ब्रेक थागोन। बेनि उनाव 10 जानुवारिखालि अपेनि सानआवबो खेब 6 मेच जागोन। नाथाय भारतनि हान्जआ 19 जानुवारि खालिसो खोला आफ्रिकानि हँथायै गिबि मेच गेलेगोन। सुपा-6 स्टेजनि मेचआ 25 जानुवारिनिफ्राय जागायगोन। बेयाव मोनने गुपआव गासै मोन 12 हान्जफोर थागोन। जेराव मोनफ्रोम गुपनिफ्राय 2-2 टप हान्जफोरनि गेजेराव 30 आरो 31 जानुवारिआव खेबने सेमिफाइनल गेलेगोन। बेनि गेजेरजोंनो आद्रा थाहैनाय मोनने हान्जानि गेजेराव 2 फेब्रुवारिआव फाइनल जाहैगोन।

भारतीय पेरा कमिटीनि आफादगिरि देवेन्द्रआ प्रमदीन बाहागो गैयाब्लाबो भारतीय हान्जानि सायाव फोथायनाय लाखिदों



गोदान दिल्ली, 19 आगस्ट: पेरिस पेरालिम्पिकआव फेगौ 28 आगस्टनिफ्राय जागायनाने 8 सेप्टेम्बरसिम फ्रांसनि राजधानि पेरिसआव खुंजागोन। भारतआ बे खेबआव सा 84 गेलेगिरिफोरनि हान्जखो दैथायहसोन। जेराव बिथांमोनहो मोन 12 गुबुन गुबुन गेलेमुफोरनि इभेन्टफोराव सेलेन्ज लाखिगोन। बे समाव भारतीय पेरालिम्पिक कमिटीनि आफादगिरि देवेन्द्र झाइरियाआ भारतीय हान्जानिफ्राय खेमब्लाबो गं 25 मेडेल देरहागोननि फोथायनाय लाखिदों। स्टर बेडिमन्ट गेलेगिरि प्रमद

भागतआ बावैसो डपिनि नेमखान्थिखो सिफायनायनि जाउनाव भारतीय हान्जानिफ्राय जानगारआव थांनाबाय। टकिय पेरालिम्पिकनि गल्ड मेडेलिस्ट भागतनि सायाव बेडिमन्ट वर्ल्ड फेडरसनआ 18 दाननि थाखाय फोसावबाय। जायनि जाउनाव बिथाड पेरिस पेरालिम्पिकनि भारतीय हान्जआव जायगा मोनाखिसे। अन्लाबो बिथानि बाहागो गैयैआवबो भारतीय पेरालिम्पिक कमिटीनि आफादगिरि झाइरियाआ फोथायनाय लाखिदों। खेबने पेरालिम्पिकआव सनानि मेडेल देरहाखानाय झाइरियाआ भारतीय हान्जआव भागत गैयाब्लाबो गं 25 मेडेल देरहागोननि फोथायथि होदों। बिथानि बादिब्ला, गेलेगिरिफोरनि सायाव गावबो फोथायनाय लाखिदों। मानोना बिसोरनि थियारिखो गावबो नोजोर लाखिबदों। बिथाड फोरमायनाय बादिब्ला, गासैबो गेलेगिरिफोर गोसोयारि महरै आरो देहायारि महरै फीटनि थाखाय नाजाबदों। बिथानिमोननि बे प्रेक्टिसखो नोजोर होनाने भारतीय हान्जानिफ्राय गं 25 सिम मेडेल देरहागोनखो मिजिंथि होयो। टकिय पेरालिम्पिकआव भारतनि हान्जआ गासै गं 19 मेडेल देरहायनजों मेडेल टेलिआव 24 थि मासिआव जायगा मोन्दोंमोन। नाथाय बे खेबआव हान्जआव गं 25 मेडेल देरहानाने टप 20 नि गेजेराव हाबनो हागोननि फोथायनाय होदों।





माहाराष्ट्रियरि देव मारवास्ति, आसाम

आसाम सरकार

मासे थाम्फे अरनाया गोबांथार बेरामफोर सोमजिहोनो हागो। होबथा, रेखाथि आरो रेखाथिये था।

मुलुवनां थाम्फे सान

20 आगस्ट, 2024

मासे थाम्फे अरनाया गोबांथार भेवटजों सोमजिनय बेरामफोर जैरे-जापानिस एनकेपेलाइटिस, डेंगु, मेलेरिया आरो बायदि सोमजिनो हागो मुलुवनां थाम्फे सानआव फेजों थाम्फेफोरनि जोले फेहेरखारखी होबथाथि, जौखी रेखाथि होनि आरो रेखाथिये थाथि।






मेलेरिया

डेंगु

चिकुनगुनिया

जापानिस एनकेपेलाइटिस

लिमपेटिक पिलासियासिस

थाम्फे अरनायखी होबथानाय

- ➔ थाम्फे आजायनायखी होबथानो थाखाय नौथानि सोरिगिदिं दै जमा जानाने थानायखी गैया खालाम।
- ➔ उन्दुनाय समाव, साननि समावब्लाबो जेब्लायबो मुसारी बाहाय।
- ➔ गोलाव गरला आरो जि गान्नाले थाम्फे अरनायनिफ्राय गावखी रेखाथि हो।
- ➔ साबनायाव मोब्लिबआरि मेटस, कयेल बायदिफोरखी बाहाय।
- ➔ जुदि लैडोनफोर नुजादौब्ला हरखाबै आन्नाद खालामजा आरो फाहामथाइ ला।

104 आव कल खालाम

108 आव कल खालाम

जायरिज-जाया देखजौ सोमोन्ते थानाय सौथिनि थाखाय

एन्वुलेन्स रिक्थिआइनि थाखाय

(NHM/D/2023-24/230)